

明史彙

列傳第七

光祿大夫

經筵講官明史總裁戶部尚書加七級臣王鴻緒奉

敕編撰

公主

仁祖二女

太祖十六女

附福成慶陽二

興宗二女

成祖七女

仁宗三女

宣宗二女

英宗八女

景帝一女

憲宗六女

孝宗四女

世宗四女

穆宗六女

神宗十女

光宗九女

襄烈帝六女

明制皇姑曰長公主皇姊妹曰長公主皇女曰公主俱授

金冊祿二千石親王女曰郡主郡王女曰縣主郡王孫女曰郡君郡王曾孫女曰縣君郡王元孫女曰鄉君郡主祿八百石以次第殺之公主婿曰駙馬都尉餘皆儀賓他瓊屑不書書公主公主得諡者一人作公主列傳而駙馬都尉附焉

仁祖二女

太原長公主淳皇后所生下嫁王七一洪武初追封命有司具禮改葬

曹國長公主太原王母妹下嫁李貞王性純孝助貞理家尤勤儉早薨貞引其子文忠避兵依太祖洪武初封貞恩親侯

追主爲孝親公三夫人長院主未葬命有司具禮葬於李氏先墓詔曰公主廟堂碑亭其制悉視功臣之贈爵爲王者已進貞駙馬都尉右柱國曹國公因加冊曹國長公主貞亦孝友晚歲尤折節恭謹薨贈隴西王諡恭獻子文忠自有傳

太祖十六女

附編成慶陽二主

臨安公主洪武九年下嫁李祺韓國公善長子也是時始定公主婚禮先期賜駙馬官誥並朝服儀從甚盛旣婚會帝以疾罷朝者踰旬善長失不候問御史大夫汪廣洋陳寧劾善長罪且言駙馬李祺六日不朝宣至前殿復不行禮請父子並付法司有詔勿問最後善長坐事誅主從祺徙江浦永樂中薨崇禎二年績溪民李世選自言善長十四世孫當太祖

時駙馬都尉祺死善長坐罪誅其子盛慶爲臨安公主所出
貶績溪爲民主號泣太祖賜以手書許二百十六年後執此
請於朝復故爵故世遷於是年具奏帝親加辨驗以救中胡
惟庸爲維庸李祺爲棋且善長死以二十三年五月乙卯此
云仲春與實錄及奸黨錄互異大學士韓爌禮部尚書何如
龍等並言其僞世選坐妄援救書律論死久之乃得釋

寧國公主孝慈皇后所生下嫁梅殷殷字伯殷夏邑人汝南
侯思祖從子也洪武十一年尚主爲駙馬都尉天性恭謹有
謀畧便弓馬太祖十六女諸駙馬中尤愛殷時李文忠以上
公典國學而殷視山東學政賜敕褒美謂殷精通經史堪爲
儒宗當世皆榮之帝春秋高諸王強盛殷嘗受密命輔皇太

孫及燕師逼建文帝命殷充總兵官鎮守淮安悉心防禦號令嚴明燕兵破何福軍執諸將平安等燕王遂遣使假道於殷以進香爲名殷荅曰進香皇考有禁不遵者爲不孝王大怒復書言今與兵誅君側惡天命有歸非人所能阻殷割使者耳鼻繼之曰留汝口爲殿下言君臣大義王爲氣沮而鳳陽守徐安亦拆浮橋絕舟楫以遏燕燕兵卒不能渡淮乃涉濶出天長取道揚州燕王卽帝位殷尚擁兵淮上帝迫公主齧血爲書投殷殷得書慟哭問使者建文帝何在曰去矣殷曰君存與存吾姑忍俟之乃還京帝聞殷至大喜迎勞曰爾馬勞苦殷曰勞而無功帝默然永樂二年都御史陳瑛奏殷畜養亡命出入其家者八十餘人與女秀才劉氏朋邪詛咒

帝曰：朕自崩後，卿等皆不為朕定公侯爵，而別命錦衣衛執殿家人，是違東一日，殿入朝前軍都督俞事譚深，錦衣衛指揮趙斌，素與殷有隙，揣帝意不悅，殷遂擠殿死，置橋下，而奏殷自投水死。左都叔同知許成發其事，帝怒，命法司治深、斌罪，斬之，籍其家，遣二子為殿治喪，諱樂定，而封許成爲永新伯，初，公主聞殷死，謂上果殺殷，牽衣大哭，問驛馬安在，帝哭曰：爲主跡賊，無自苦，公主謹護二子，順昌、景福，帝以順昌爲中府都督，同知景福，旗手衛指揮使，賜公主書曰：驛馬殷雖有過，夫兄以至親，不問比聞，溺死兄甚疑之，部將許成來首，已加爵賞，謀害之人，悉置重法，特報妹知之，凡解庭著降人也，事殷久，謂深、斌實殺殷，請於帝，斷二人

手足剖其腸祭殿遂自盡
二月進封公主爲寧國長公主
命戶部全給順昌等月俸米尋復命全給長公主歲祿宜
德中與世襲孫純舉成化十七年進士爲定遠知縣忤上官
棄歸襲武階爲中都副留守初公主聞燕王反嘗貽書責以
大義不答燕兵至淮北貽書公主命遷居太平門外勿懼兵
禍公主亦不答

三公主早薨

安慶公主寧國主母妹下嫁歐陽倫倫頗不法洪武末茶禁
方嚴數遣私人販茶出境以牟利所至騷擾太吏不敢問
有家奴周保者尤橫輒呼有司科民車至數十輛過河橋巡
檢司擅捶辱司吏吏不堪以聞於朝帝大怒遂賜倫死保等

皆坐謀

汝寧公主下嫁陸賢書及侯仲亨子也

懷慶公主成穆孫貴妃所生下嫁王寧寧壽州人既尚主掌

後軍都督府事建文中嘗澳禁中事於燕籍其家繫錦衣衛

獄成祖即位稱寧孝於太祖忠於國家正直不阿橫遭誣構

封永春侯予世券久之坐事下獄見原卒子貞亮官羽林前

衛僉事先寧天守德中貞亮子葬數乞嗣衛僉事不許十年

據詔書言公主嫡孫當嗣侯乃命以衛僉事帶俸奉主祀寧

能詩頗好佛一日侍成祖語及太祖時事帝為愴然因勸帝

飯僧誦佛經資太祖福利帝不憚恩禮由是漸衰寧又有子

貞慶王詩與劉溥等稱十才子

大名公主下嫁李堅堅武陟人父英洪武初爲驍騎右衛指揮僉事陣沒贈指揮使堅有才勇旣尚主掌前軍都督府事建文初以左副將軍從北伐及燕師戰勝負畧相當封灤城侯子世券最後戰泮沱河燕卒薛祿刺堅墮馬因揮刃斫堅堅大呼我李駢馬也勿殺械送北平道卒子莊年七歲嗣侯成祖卽位莊父效名在奸黨中以主故獲宥主懼禍遂納詔券於朝莊在南京師事劉溥放浪詩酒以壽終

福清公主鄭安妃所生下城張麟鳳翔侯龍子也麟未嗣侯卒子傑侍主京師永樂中卒葬在龍傳

壽春公主下嫁傅忠穎國公友德子也主最太祖所愛詔賜吳江縣莊田一百二十餘畝因皆主腴歲入八千石踰他主

數倍嘉加漢書卷之九十四

十公主早壽

南康公主下嫁南觀東川侯濟子也海嘗以罪奪廢田及觀
尚主有詔給田如故觀初在幕中帝爲命黃巖徐宗實象之
既成婚中使置驛驛使驛而師精東向宗實引驛馬位使
下然後爲說書又爲書觀子言以古義相戒勸觀流涕執弟
子禮甚恭太祖爲女喜婚女三年觀任事景隆北征爲樂善
所執永樂初遣觀使督府還科道官勸觀借樂善景隆賜觀
輿諸如宿之已都御史陳瑛等劾觀取長簡請議長樂觀
爲妾且言預知本景隆逆謀陛下曲加寬宥絕無悔意宜守
其罪遂罷朝議事自縊死宣德中主乞以爲忠嗣隨授事陵

衛指揮僉事進同知

永嘉公主郭惠妃所生下嫁郭鐵武定侯英子也英卒鎮不
得嗣侯宣德十年主乞以子珍嗣詔在英傳世宗卽位元孫
勛有寵爲主乞追謚則謚貞懿前此公主無謚例蓋異數
也

十三公主早薨

舍山公主下嫁尹清建文初清掌後府都督事

汝陽公主永嘉主母妹下嫁謝達達父彥鳳陽人少孤育於
外家孫氏冒其姓數從征討有功累官前軍都督僉事詔復
謝姓選其子尚主仁宗卽位以屬尊與寧國懷慶大名南康
永嘉舍山寶慶七公主皆稱大長公主

寶慶公主太祖最幼女下嫁趙輝輝父和以千戶從征安南
陣沒輝襲父官先是成祖卽位主甫八歲命仁孝皇后撫之
如女永樂十一年輝以千戶守金川門年二十餘狀貌偉麗
帝見而異之遂選以尚主主旣爲后所撫裝齋視他主倍渥
婚夕特詔皇太子送主入邸洪熙初尊爲大長公主先輝薨
輝至成化十二年始卒凡事六朝歷掌南京都督及宗人府
事天順中乞封侯不許家故豪侈姬妾至百餘人錦衣玉食
享有富貴者踰六十四年壽九十

福成公主南昌王女母王氏下嫁王克恭克恭嘗爲福建行
省參政後改福州衛指揮使

慶陽公主蒙城王女母田氏早寡有節行太祖甚重之旣薨

命皇后皇太子及諸王皆以公致祭王下嫁黃琛琛本名
竇後改今名以帳前參隨舍人擢兵馬副指揮太祖愛其謹
厚遷尚王女累從軍征討多著勞績歷官龍江翼守禦千戶
洪武初冊兩王女爲公主授克恭琛爲駙馬都尉遷琛淮安
衛指揮使其後禮官上言皇姪女宜改封郡王克恭琛當上
駙馬都尉詔帝曰朕惟姪女二人不忍遽加降奪其稱公主
駙馬如故公主歲給祿米五百石視他主減三之二駙馬止
食本官俸擢琛中都留守卒官子鉉至都督僉事或謂福成
慶陽皆太祖從姊者誤

典宗二女

江都公主下嫁耿璿長興侯炳文子也累官前軍都督僉事

主爲懿文太子長女初爲江都郡主建文元年進郡主爲公主璿爲駙馬都尉炳文領兵北伐璿嘗勸直搗北平及炳文罷歸謀不用永樂初稱疾不出坐罪死主復降爲郡主憂卒次公主早薨

成祖七女

永安公主下嫁袁容容壽州人父洪以開國功臣都督容初遷燕府儀賓配永安郡主燕兵起有戰守功成祖卽位進郡主爲公主容駙馬都尉永樂元年再論功封廣平侯與世券凡大駕出巡察居守初都指揮欵台乘馬過容門容怒其不下筆之幾死帝聞之賜趙王高燧書曰自洪武來往來駙馬者未聞令下馬也昔晉王敦爲駙馬縱恣暴橫卒以滅區

汝其以書示容令械辱欵台之人送京師容由是斂戢公主
薨停侯祿宣宗卽位復故卒贈沂國公諡忠穆子禎嗣侯卒
無子庶弟瑄正統初乞嗣帝曰容封以公主恩禎嗣以公主
子瑄庶子可長陵衛指揮僉事天順元年詔與侯爵卒弟琇
成化十五年嗣官長陵衛卒姪恪乞嗣侯言官持不可帝曰
詔書許子孫嗣恪容孫也恪後母嗣仍世衛僉事恪卒子藝
弘治間乞嗣侯不許

永平公主下嫁李讓讓舒城人父申留守左衛指揮同知讓
燕邸儀賓燕兵起率府兵執謝貴等取大寧戰白溝河有功
署掌北平布政司事任仁宗居守建文皇帝聞之怒欲誘致
讓曰讓來潛者申讓不從力戰被平安兵於沈州帝遂殺申

籍其家其妻亦會坐罪死或徙邊議聞之載益力永樂元
年進駙馬都尉封甯陽侯食祿千石掌北京行部事卒贈景
國公諡恭敏子茂芳嗣侯二十二年坐譴帝曰茂芳早失父
不知禮令停祿革冠服讀書園子監十年能改過乃復舊祿
是年卒子興正統三年授長陵衛指揮僉事天順元年詔與
伯魯率子欽成化間乞嗣伯魯與長陵衛指揮僉事

安成公主下嫁宋琥西寧侯晟子

咸寧公主下嫁宋瑛琥弟襲西寧侯英宗北狩死於陽和
常寧公主下嫁沐斯西平侯英子

清河公主下嫁李銘

宣定公主下嫁王誼

仁宗三女

德安公主早薨諡悼簡

慶都公主下嫁焦敬

嘉興公主下嫁井源英宗北狩死於懷柔城

宣宗二女

順德公主下嫁石璟

常德公主下嫁薛奩

英宗八女

重慶公主下嫁周璟

嘉善公主下嫁王增

淳安公主下嫁蔡震震醇謹無過失當劉瑾之敗每遇廷訊

卽斥其人附已陰事以脅持之廷臣無敢詰者震厲呼曰我皇家至戚應不附爾趣獄卒拷掠之瑾乃服罪以是知名嘉靖中卒贈太保諡康僖

崇德公主下嫁楊偉

廣德公主下嫁樊凱

隆慶公主下嫁游泰

宜興公主下嫁馬誠

嘉祥公主下嫁黃鏞

景帝一女

同安公主英宗復辟降稱郡主誓不嫁憲宗強之下嫁王憲禮儀視公主

憲宗六女

仁和公主下嫁齊世英

永康公主下嫁崔元元代州人世宗入繼以迎立功封京山侯給誥券禮部言奉迎乃臣子之分遽膺封爵無故事宜寢成命帝曰永樂初年太宗皇帝入繼大統駙馬都尉王寧以翊戴功進封永春侯何得言無故事給事中底蘊御史高越等連章論其不可皆不納已坐張延齡事下詔獄尋釋元好交文士播聲譽寵幸優渥助臣戚畹莫敢望焉卒贈左柱國太傅兼太子太傅諡榮恭國增封侯贈官不以軍功自元始德清公主下嫁林岳

歸善公主早薨追封

精義山人集卷七
長泰公主早薨追封

仙遊公主早薨追封

孝宗四女

長寧公主早薨追封

善化公主早薨追封

永福公主下嫁鄔景和景和崑山人嘉靖中奉旨入直當接
元文以不諳元理辭帝不悅時有事清馥殿在直諸臣俱行
醵祝禮景和不俟禮成而出已而賞賚諸臣景和與焉疏言
無功受賞懼增罪戾乞容辭免俾洗心滌慮以効他日馬革
裹屍啣環結草之報帝大恨摛疏語謂詛咒矢人臣禮削職
歸原籍三十五年入賀聖誕畢因言五世祖寄籍錦衣

衛世居北地今被罪南徙不勝犬馬戀主之私扶服入賀退而私省公主墳墓丘封翳然荆棘不剪臣切自念孤死尚正首丘臣託命貴主獨與逝者魂魄相弔於數千里外不得春秋祭掃拊心傷悔五內崩裂臣之罪重不敢祈恩惟陛下幸哀故主使得寄籍原衛長與相依死無所恨帝憐而許之隆慶二年以張鹵薦復官卒贈少保謚榮簡

永淳公主下嫁謝詔

世宗四女

常安公主早薨追封

思柔公主早薨追封

寧安公主下嫁李和

嘉喜公主下嫁許從誠

穆宗六女

壽陽公主下嫁侯拱辰萬曆中國本議起拱辰掌宗人府首
具疏刃爭人望歸焉卒贈太傅諡榮康

永寧公主下嫁梁邦瑞

蓬萊公主早薨追封

太和公主早薨追封

瑞安公主慈聖太后所生下嫁萬煒崇禎時主累加大長公
主所產子及庶子長祚弘祚皆官都督主以神宗同產故萬
氏父子皆承恩寵煒官至太傅管宗人府印嘗以親臣侍經
筵每文華進講帶刀入直

受命以太牢告廟年七十餘矣國變同子長祚死於賊弘祚
投水死長祚妻李氏亦赴井死

延慶公主下嫁王昺昺嘗救御史劉光復觸神宗怒削職光
宗立復官

神宗十女

榮昌公主下嫁楊春元春元早卒主孤嫠高行帝深重之
壽寧公主下嫁冉興讓主鄭貴妃出也釐降後神宗命主五
日一來朝恩澤異他壻後洛陽失守莊烈帝命興讓同太監
王裕民給事中葉高標往唁福世子於河北都城陷興讓爲
賊拷死

雲和靜樂雲夢仙居靈丘泰順香山天台八公主皆早世

光宗九女

懷淑公主七歲而薨餘五女皆早世未封

寧德公主下嫁劉有福

遂平公主下嫁齊贊元都城陷贊元南奔

樂安公主下嫁鞏永固永固字洪圖宛平人好讀書負才氣
崇禎十六年二月帝召公侯伯於德政殿言祖制勛臣駙馬
入監讀書習武經弓馬問各有子弟否成國公朱純臣定國
公徐允禎等皆以幼對而永固獨上疏請肄業太學帝褒答
之總督趙光朴以邊事繫獄特疏申救又請復建文皇帝廟
諡事雖未行時論韙焉甲申三月賊破宣大李邦華請太子
南遷爲異議所格及事急帝密召永固及新樂侯劉文炳護

行叩頭言親臣不藏甲難以空手搏賊皆相向涕泣十九日都城陷時公主已薨未葬永固以黃繩縛子女五人繫柩旁曰此帝甥也不可汙賊手舉劍自刎闔室焚死福王立贈少師諡貞愍

熹宗二女皆早世

莊烈帝六女五皆早世

長平公主下嫁周顯方都城之未破也帝已選顯尚主未及行城陷帝入壽寧宮主牽帝衣哭帝曰汝何放生我家揮之以刃斷左臂又劍斫昭仁公主於昭仁殿時長平公主年十六歲矣越五日復生

順治二年上書言九死臣妾跼踖高天髡縵空王庶申罔極

不許

詔顯復尚故主土田邸第金錢牛車錫予有加主涕泣踰年
病卒

賜葬彰義門外

明史彙

列傳第

明史藁

列傳第八

光祿大夫

經筵講官明史總纂戶部尚書加七級臣王鴻緒奉

勅編撰

韓林兒

郭子興

徐壽輝

陳友諒

子熊天瑞理

韓林兒樂城人或言李氏子也其先世以燒香惑眾謫徙永年元末政衰林兒父山童益倡言天下大亂彌勒佛下生河南及江淮愚民翕然信之潁州人劉福通與其黨杜遵道羅文素盛文郁等復鼓妖言謂山童宋徽宗八世孫也當王中國乃殺白馬黑牛誓告天地謀起兵以紅巾爲號至正十一年五月事覺福通等遽入潁州以反而山童爲吏所捕誅林

兒與其母楊逃入武安山中福通據朱臯破羅山上蔡真陽
確山犯舞陽葉縣陷汝寧及光息二州衆至十餘萬元兵不
能禦時徐壽輝等起斬黃布王三孟海馬等起湘漢芝蔴李
起豐沛而郭子興亦據濠應之時皆謂之紅軍亦稱香軍十
五年二月福通物色林兒得諸碭山夾河迎至毫州立爲皇
帝又以爲小明王建國號曰宋改元龍鳳都於毫拆鹿邑縣
太清宮材以治宮闕尊其母爲皇太后以遵道文郁爲丞相
福通與文素平章政事劉六知樞密院事劉六者福通弟也
遵道等各遣子入侍遵道竈用事福通疾之陰命甲士搗殺
遵道自爲丞相加太保事權一歸福通旣元將大敗福通於
太康進圍毫福通挾林兒走安豐踰年遣其黨分道畧地李

武崔德破潼關陝虢尋爲元所復十七年武德陷商州遂下
武關以圖關中而毛貴陷膠萊益都瀕州山東郡邑多下是
年六月福通率衆攻汴梁且分軍三道關先生破頭潘馮長
舅沙劉二王士誠趨晉冀白不信大刀敖李喜喜趨關中毛
貴守山東勢大振田豐者元鎮守黃河義兵萬戶也叛附福
通陷濟寧尋敗走其秋福通兵陷大名遂自曹州陷衛輝白
不信大刀敖李喜喜陷興元遂入鳳翔屢被擊罕帖木兒李
思齊等擊破走入蜀十八年田豐復陷東平濟寧東昌益都
廣平順德毛貴亦數敗元兵進陷清滄州據長蘆鎮尋陷濟
南益引兵北殺宣慰使董搏霄於南皮陷薊州犯湖州夏柳
林以逼大都順帝徵四方兵入衛議欲遷都避其鋒大臣諫

乃止貴旋被元兵擊敗還據濟南而福通出沒河南北五月
攻下汴梁守將竹貞遁去遂迎林兒以都焉關先生破頭潘
等又分其軍爲二一出絳州一出沁州踰太行破遼州潞州
遂陷冀寧攻保定不克陷完州掠大同興和塞外諸郡至陷
上都毀諸宮殿轉掠遼陽抵高麗十九年陷遼陽殺懿州路
總管呂震順帝以上都宮闕盡廢自此不復北巡季喜喜餘
黨復陷寧夏畧靈武諸邊地林兒本起盜賊無大志又聽命
福通徒擁虛名諸將在外者率不遵約束所過焚劫甚至啖
老弱爲糧且皆福通故等夷卽福通亦不能制兵雖盛威令
不行羈縻而已數攻下城邑元兵亦數從其後復之不能守
惟毛貴稍有智畧其破濟南也立賓興院選用元故官姬宗

周等分守諸路又於萊州立屯田三百六十所每屯相距三十里造輓運大車百輛凡官民田十取其二多所規畫故得據山東者三年及察罕帖木兒數破賊盡復關隴是年五月大發秦晉之師會汴城下屯杏花營以諸軍環城而壘林兒兵出戰輒敗嬰城守百餘日食將盡福通計無所出挾林兒從百騎開東門遁還安豐其後宮官屬子女及符璽印章寶貨之屬盡沒於察罕當是時毛貴已爲其黨趙均用所殺有穢繼祖者又殺均用所部自相攻擊獨田豐據東平勢稍強二十年關先生等陷大寧復犯上都田豐陷保定元遣使招之被殺王士誠久躡晉冀至是元將孛羅敗之於臺州遂入東平與豐合福通嘗譴李武崔德逗撓將罪之二十一年夏

兩人叛去降於李思齊時李喜喜關先生等東西轉戰已多
走死餘黨自高麗還寇上都字羅復擊降之而察罕既取汴
梁遂遣子擴廓討東平脅降田豐王士誠乘勝定山東宋將
陳孫頭者獨守益都不下與福通遙相聲援二十二年六月
豐士誠乘間刺殺察罕入益都元以兵柄付擴廓圍城數重
孫頭等告急福通引兵援遇元師於火星埠大敗還保安豐
元兵急攻益都穴地道以入殺豐士誠而械送孫頭於京師
林兒勢大窘其明年吳將呂珍圍安豐林兒告急於太祖太
祖曰安豐破則張士誠益強不可不救也遂親率師以往而
珍已入其城殺福通矣太祖擊走珍而以林兒歸居之滁州
明年太祖爲吳王又二年林兒卒或曰太祖命廖永忠迎林

兒歸應天至瓜步覆舟林兒沉於江云初太祖駐和陽值郭子興卒林兒牒子興子天敘爲都元帥張天祐爲右副元帥太祖爲左副元帥時太祖以孤軍保一城而林兒稱宋後四方響應遂用其年號以令軍中比其沒始以明年爲吳元年其年遣大將軍定中原順帝北遁距宋亡僅歲餘云林兒凡立十二年

郭子興其先曹州人父郭公少以日者術游定遠言禍福輒中邑富人有瞽女郭公云當貴其人笑曰疾廢無所歸何貴也郭公乃娶之家日益饒生三子子興其仲也始生郭公卜之吉及長任俠喜賓客會元政亂後其資積牛麩酒與壯士結納至正十二年春集少年數千人襲據濠州太祖往從之

門者疑其謀執以告子興子興奇太祖狀親解縛與語收帳
下俾爲十夫長數從戰有功子興喜其效妻小鬟夫人亦指
目太祖曰此與人也妻以所撫馬公女是爲孝慈高皇后始
子興同起事者孫德崖及兪魯潘等三人與子興而五各自
稱元帥不相下四人者麓而憊日剽掠子興意輕之四人不
悅合謀傾子興子興以是多家居不視事太祖乘間說曰彼
日益合我益離久之必爲所制子興不能從也元帥破徐州
徐帥彭大趙均用率餘衆奔濠德崖等以其故盜魁有名乃
共推奉之使居已上大有智數子興與相厚而薄均用於是
德崖等譖諸均用困郭子興知有彭將軍耳不知有將軍也
均用以爲然乘間篡子興幽諸德崖若太祖自他部歸太驚

急率子與二子訴於大大曰吾在與敢魚肉而翁者與偕詣
德崖砦中破械出子與挾之以歸元帥圍濠州乃釋故憾共
守五閱月圍解大均用皆自稱王而子與及德崖等爲元帥
如故未幾大死子早住領其衆均用專很益甚挾子與攻盱
眙泗州將害之太祖已取滁乃遣人說均用曰大王窮迫郭
公開門延納德至厚也大王不能報反聽細人言圖之自剪
羽翼失豪傑心竊爲大王不取且其部曲猶樂殺之得無悔
乎均用聞太祖兵甚盛心頗恐太祖又使人歸其左右子與
甲是得免乃將其所部就太祖爲將子與爲人故梟悍善鬪
而性倖直少容方事急輒從太祖謀議親信如左右手及旣
解卽信讒而踈之悉召左右佐事者力稍奪太祖兵柄太祖

事子興愈謹將士有所獻孝慈皇后喜以遺子興妻太祖又數却元兵子興乃愧悟子興欲據險自立太祖曰濼四面皆山舟楫商旅不通非可且夕安者也子興默然太祖又取和州子興命統諸將守其地德崖餽食和四境或駐軍城中太祖不得已納之有讒於子興者子興怒甚自濼暮趨而至德崖聞之謀引去前營甫發太祖出餞於外德崖猶在城其軍與子興軍鬪太祖馳還爲所執子興已執德崖鎖其項與之食酒聞太祖被執大驚立遣徐達等往代太祖縱德崖還軍達亦脫歸子興憾德崖甚將甘心焉以太祖故強釋之邑邑不樂發病卒子興三子長子前戰死次天敘天爵子興死宋以天敘爲都元帥張天祐及太祖副之天祐子興婦弟也

太祖渡江天敘天祐引兵攻集慶陳瑊先叛俱被殺宋復以
天爵爲中書右丞已而太祖爲平章政事天爵稍失職怨望
久之謀爲不利誅死子興後遂絕有一女小張夫人出者事
太祖爲惠妃生蜀谷代三王太祖既卽位追封子興爲滁陽
王詔有司建祠用中牢祀復其鄉宥氏世世守王墓十六年
諭太常丞張來儀文其碑滁人郭老舍者宣德中以滁陽王
親朝京師弘治中有郭琥自言四世祖老舍卽滁陽王第四
子也予冠帶奉祀已爲宥氏所許禮官言滁陽王祀與太祖
所定曰無後廟碑昭然老舍非滁陽王子奪奉祀

徐壽輝羅田人一名真一體貌魁岸木強無他能以販布爲
業元末政亂盜賊漸起袁州僧彭瑩玉以妖術與其徒周子

旺謀亂事覺子旺伏誅瑩玉逃淮西捕不獲麻城鄒普勝復用其術謂彌勒佛下生當爲世主集黨爲亂求可率衆者以壽輝狀貌特異卽共推之用紅巾爲號時至正十一年秋也九月陷蘄水及黃州路元威順王寬徹不花與其二子帥師擊之爲壽輝將倪文俊所敗二子被獲越月壽輝遂卽蘄水爲都自稱皇帝國號天完建元治平以普勝爲太師未幾陷饒信明年正月陷漢陽興國別遣普勝陷武昌曾法興陷安陸沔陽中興路二月江州南康及岳州房州歸州相繼陷三月別將攻袁瑞徽三州破之閏三月陷吉安七月破昱嶺關遂陷杭州又自邵武攻福安寧德諸縣皆下而別令趙普勝等陷池州太平已渡江陷安慶是時承平久州郡皆無守備

長吏聞賊來輒棄城走以故所至無不摧破而其將帥無遠
畧人得自擅恣殺戮民益愁苦無所歸豪傑因之起而元詔
令不行闔外文武將吏選懦觀望不盡力浸淫十餘年遂至
於亡壽輝起浹歲得名都數十然其夜率不能守所陷湖廣
江西諸路多爲元帥所復旣又盡收江浙所亡地壽輝勢漸
蹙明年五月元合江西江浙兵進逼鄂黃壽輝兵望風潰冬
江浙平章卜顏鐵木兒等直搗蘄水拔之獲將相而下四百
餘人壽輝逃匿黃梅山中元帥追不力壽輝收散亡復出攻
掠沔陽襄陽中興武昌漢陽岳州復相繼陷勢轉熾十六年
文俊營都於漢陽迎壽輝居之而自以丞相專政壽輝擁虛
位而已頃之文俊畧常德澧衡諸路明年破峽州其部將明

玉珍亦盡有蜀地文俊志益驕九月謀弑壽輝不果出奔黃州爲部將陳友諒所殺於是天完國政盡歸友諒文俊者沔陽漁家子勇而無禮不恤下故及於難友諒旣得志諸將不附已者漸以計除之二十年夏遂弑壽輝采石舟中自稱皇帝壽輝僭號凡十年而亡

陳友諒沔陽人本姓謝氏祖千一贅於陳因從其姓父普才業漁友諒少讀書畧通文義有術者相其先世墓地尅期示友諒曰某年當大貴友諒心竊喜嘗爲縣小吏非其好也徐壽輝兵起欲往從之普才止之曰汝漁家子何不守故業作此賊族事友諒不聽曰術者之言此其時矣會壽輝僭號倪文俊用事友諒隸其麾下數有功爲領兵元帥已乘釁襲殺

文俊并其兵自稱宣慰使尋稱平章政事是歲元至正十七年天完治平七年也明年陷安慶又破龍興瑞州因分遣諸將取邵武及吉安而自以兵入撫州已又破建昌贛汀信衢治江州當是時友諒兵最彊太祖初渡江取太平與爲隣友諒陷元池州太祖遣常遇春等擊取之由是數相攻安慶守將趙普勝者故驍將號雙刀趙初與俞通海等屯巢湖同歸太祖叛去歸友諒引兵爭池州太平數與明兵關往來掠境上太祖患之陷普勝谷使潛入友諒軍間普勝不之覺見友諒使者輒訴功悻悻有德色友諒疑之且疑其貳於已以會師安慶爲名自江州率至普勝以燒羊逆於雁汊甫登舟友諒卽殺普勝并其軍乃以輕兵襲池州伏發獲其於

九華山下偽使使者告太祖曰戰非吾意也巡邊者悞耳其飾詐如此始友諒破龍興其至壽輝欲徙都之友諒不可數遣人阻其行未幾壽輝遽發漢陽次江州江州友諒治所也伏兵郭外迎壽輝入卽閉城門悉殺其所部卽江州爲都奉壽輝以居友諒目稱漢王置王府官屬立府第於城西隅遂挾壽輝東下攻太平太平城堅不可拔乃引巨舟薄城西南士卒緣舟尾攀堞而登遂克之志益驕謀篡位進駐采石磯遣部將陽白事壽輝前陰戒壯士挾鐵錘擊碎其首壽輝旣死以采石五通廟爲行殿昇神像棄之卽皇帝位於其中國號漢改元大義命天完官屬自太師鄒普勝以下皆仍故官會天大風雨羣臣班沙岸稱賀冠服俱沾濡不能成禮識者

知其不終友諒性雄猜好以權術馭下既卽位盡撫有江西湖廣之境恃其兵強欲東取應天又爲故將康茂才書所誘引兵直前太祖親總大軍禦之友諒趨江東橋呼茂才不應遂以千艘抵龍濟登岸接戰大敗還趨舟湖落舟膠死者無算亡戰艦數百乘輕舸走張德勝追及之慈湖焚其舟大戰采石德勝死馮國勝以五翼軍蹙之友諒出皂旗軍迎戰又大敗遂棄太平遁走江州太祖兵乘勝取安慶其將于光歐普祥皆降明年友諒兵復陷安慶太祖自將伐之收復安慶長驅至江州友諒迎戰敗遂棄江州夜挈妻子奔武昌吳宏以僥降王溥以建昌降胡廷瑞以龍興降友諒忿疆土日蹙治樓船數百艘皆高數十飾以丹漆每船三重置走馬棚上

下人語聲不相聞。勝箱皆裹以鐵載其家屬百官盡銳圍洪都親督衆屯於撫州門用飛梯衝車諸具百道薄城守將朱文正鄧愈堅守三月不能下太祖自將救之友諒乃撤圍東出鄱陽湖逆戰遇於湖中之康郎山友諒集巨艦連鎖爲陳太祖兵不能仰攻連戰三日幾殆乃縱火焚友諒舟友諒弟友仁等皆燒死友仁號五王耻一目有勇畧旣死友諒爲氣索是戰也太祖舟雖小輕駛漢軍俱艤腫巨艦不利進退故及於敗太祖所乘舟檣曰友諒欲併力攻太祖知之令諸舟盡自其檣翌日復戰自辰至午友諒軍大敗友諒欲退保鞋山太祖已先扼湖口邀其歸路持數日友諒謀於衆右金吾將軍將軍曰出湖難宜焚舟登陸直趨湖南圖再舉左金吾將軍

曰此示弱也彼以步騎躡我進退失所據大事去矣友諒不能決旣而曰右金吾言是也左金吾以言不用懼舉所部來降右金吾知之亦降友諒益困太祖凡再移友諒書其畧曰吾欲與公約從各安一方以俟天命公失計肆毒於我我輕師間出奄有公龍興十一郡猶不自悔禍復構兵端一困於洪都再敗於康山骨肉將士重罹塗炭公卽倖生還亦宜卻帝號革黃屋左纛坐待眞主不則喪家滅姓悔晚矣友諒得書忿恚卒不報久之漢軍乏食突圍出湖口諸將自上流邀擊之大戰涇江口漢軍且鬪且走日暮猶不解友諒從舟中引首出有所指擣驟中流矢貫目睛及顛死其軍大潰太子善兒被執太尉張定邊夜挾友諒次子理載其屍遁還武昌

友諒之起既不聽父普才言普才家居漁如故及貴往迎父
普才曰汝違吾命吾不知汝死所矣不數歲竟死友諒故豪
侈嘗造鏤金床基工宮中禮器物類是漢亡江西行省以牀
獻太祖歎息曰此與孟梟七寶溺器何異宜其敗也命有司
毀之友諒僭號凡四年

理友諒幼子兒善見被執張定邊率羣臣奉理嗣位改元德
壽其冬太祖親征武昌明年春定邊急遣卒夜縋城走岳州
告其丞相張必先入援必先次洪山常遇春擊擒之以徇於
城下必先兄呼定邊曰事敗矣善自圖定邊氣結默默者良
久必先故驍將漢軍號潑張倚爲重見之皆喪沮由是欲降
者衆太祖乃遣漢故臣羅衍仁入城招理理率定邊等開城

門出降入軍門俯伏不敢視太祖見理幼弱掖之起握其手曰吾不汝罪也府庫財物恣理自取師旋應天授爵歸德侯普才五子長友富次友直又次友諒又次友仁友貴友仁友貴前死鄱陽遂封普才承恩侯友富歸仁伯友直懷恩伯贈友仁康山王命所司立廟祀之以友貴祔理居京師久之邑邑出怨望語帝曰此童孺小過耳恐細人蠱惑不得完朕恩宜處之遠方洪武五年徙理及歸義侯明昇於高麗遣元降臣樞密使延安荅理護行賜高麗王羅篋俾善視之亦徙普才等滁陽

熊天瑞荊州人本爲樂工乘亂從徐壽輝抄畧江湘間後受陳友諒命攻陷臨江吉安又陷贛州友諒嘉其功俾以參知

政事守顓兼統吉安南安南雄韶州諸路久之陽言東下署其幟曰無敵自稱金紫光祿大夫司徒平章軍國重事兼侍衛親軍都指揮使友諒不能制也漢人攻南昌檄天瑞赴援觀望不應命陰圖取廣東造戰艦於南雄不一年艦成遂率舟師數萬趨廣州元將何真方據廣以兵迎於胥江天瑞恃已強謂可不戰下會天大雷雨震其艦檣折不能進天瑞驚怛仰天祝曰某不應取廣州者卽天當霽祝已天杲霽始旋師歸顓望氣者言將有外兵至天瑞不之信太祖兵克臨江始大懼遣養子元震築壘大壺頭爲備及平章常遇春等抵城下天瑞悉力拒守凡五越月乃肉袒詣軍門降太祖宥之授指揮使其明年從攻浙西叛降於張士誠教城中飛檄

外軍外軍多傷者城中木石俱盡至拆祠廟民居爲礮具十
誠旣擒天瑞伏誅有局時中者龍泉人嘗爲壽輝平章後率
所留降太祖問天瑞何如人時中策其必叛至是果如時中
言時中累官吏部尙書出爲鎮江知府歷福建鹽運副使元
震本姓田氏善戰有名天瑞養以爲子常遇春之圍贛也元
震竊出覘兵勢遇春亦引數騎出猝與相遇元震不知爲遇
春也迫之及遇春還始覺遂單騎前襲遇春遇春遣從騎揮
刀擊之元震奮鐵搥且鬪且走遇春日壯男子也舍之由是
喜其才勇旣從天瑞降薦以爲指揮使天瑞誅復故姓云

明史稿

列傳第八終

明史彙

列傳第九

光祿大夫 經筵講官明史總裁戶部尚書加七級 臣王鴻緒奏

敕編撰

張士誠

明玉珍 子昇

方國珍

李思齊

張士誠小字九四秦州白駒場亭人有弟三人士義士德士
信兄弟並以操舟運鹽爲業緣私作奸利頗輕財好施得奉
輩心常鬻鹽諸富家富家多陵侮之或負其直弗酬而弓手
丘義尤窘辱士誠甚士誠忿卽率諸弟及壯士李伯昇等十
八人殺義并滅諸富家縱火焚其居入旁近場招少年起兵
鹽丁方苦重役遂其推爲主行過下谿爲大姓劉子仁者廣

扼士義中矢死士誠擊走子仁乘勝陷泰州高郵守李齊論
降之復叛殺行省叅政趙璉并陷興化結砦德勝湖有衆萬
餘襲據高郵元以萬戶銜身招之拒不受給殺李齊自稱誠
王國號大周建元天祐是歲元至正十四年也宣慰使也先
不花行省平章福壽等討之皆不克乃命右丞相脫脫總大
軍出討數敗士誠圍高郵壞其外城城且下順帝信讒解脫
脫兵柄削官爵以他將代之士誠乘間奮擊潰去士誠由是
復振淮東饑謀他掠會江陰寇朱英招士誠士誠乃遣士德
由通州渡江入常熟攻據平江并陷湖州松江及常州諸路
改平江爲隆平府士誠自高郵來都之卽承天寺爲府籓臨
坐大殿中射三矢於棟以識是歲太祖亦下集慶遣楊憲

好於士誠其書曰昔隗囂稱雄於天水今足下亦擅號於姑蘇事勢相等吾深爲足下喜睦鄰守境古人所貴竊甚慕焉自今信使往來毋惑讒言以生邊釁士誠得書留意不報已遣舟師攻鎮江敗去太祖乃遣徐達等攻圍常州士誠遣兵來援大敗失張湯二將乃以書求和請歲輸粟二十萬石黃金五百兩白金三百斤太祖咨書責其歸我楊憲歲輸五十萬石士誠復不報初士誠旣得平汪卽以兵攻嘉興元守將苗帥楊完者數敗其兵不能克乃遣士德間道破杭州完者之救復敗歸已而徐達克常州耿炳文取長興吳良等取江陰士誠兵不得四出勢漸蹙思復降元亡何徐達兵徇宜興攻常熟士德迎戰而敗爲楊憲所擒士德小字九六最善

戰能得士心浙西地蠻蕞所畧定旣被擒士誠大沮遂決計
請降於元江浙程丞相遣識帖睦迺爲言於朝授士誠太尉
官其將吏有差卽德在金陵竟不食死士誠雖去僞號種甲
兵土地如故達識帖睦迺在杭與楊完者有隙贖召士誠兵
士誠遣史文炳襲殺完者遷有杭州順帝遣使徵糧賜之
衣御酒士誠自海道輸糧十一萬石於大都歲以爲常旣而
益驕令其下頌功德邀王尊元不許至正二十三年九月十
誠自立爲吳王尊其母曹氏爲王太妃置王府官屬別治府
第於城中以士信爲浙江行省左丞相遂達識帖睦迺
嘉興元徵糧不復與遂興元絕參軍俞思齊者宗帝弟泰站
人諫士誠曰向爲賊可無貴今爲臣不貢可乎士誠怒彼

仆地思齊卽稱疾引去士誠拓土南抵紹興北踰徐州達於
濟寧之金溝西距汝潁濠泗東溥海二千餘里帶甲數十萬
以士信及女夫潘元紹爲腹心左丞相徐義李伯昇呂珍爲
爪牙叅軍黃敬夫蔡彥文葉德新主謀議元學士陳基右丞
饒介典文章又好招延賓客所贈遺輿馬居室什器甚具諸
僑寓貧無藉者爭趨之士誠爲人外運重寡言號爲有器量
而中實闇弱旣據有吳中吳承平久戶口殷盛士誠漸奢縱
怠於政事士信元紹尤好聚斂自金玉珍寶訖古法書名畫
無不充牣於家日夜以歌舞相娛樂諸將亦偃蹇不用命每
有攻戰輒稱疾高臥邀求官爵美田宅然後起甬至軍所載
婢妾樂器踵相躡不絕或大會游談之士携藉踞踞一不以

軍務爲急及喪師失地遣士誠檄置不問已復用爲將威權不立故遂致於亡太祖與士誠接境士誠數以兵攻常州江陰建德長興諸全輒不利去而太祖遣邵榮攻湖州胡大海攻紹興常遇春攻杭州亦皆不能下廖永安被執謝再興叛降士誠太祖欲伐吳其方與陳友諒相持未暇及也友諒亦遣使約士誠夾攻太祖而士誠欲守境觀變許漢使者卒不行太祖既平武昌師還卽命徐達等規取淮東克泰州通州圍高郵士誠以舟師溯江來救太祖自將擊走之達等遂拔高郵取淮安悉定淮北地於是移檄平江數士誠八罪使大將軍徐達副將軍常遇春率兵東伐自太湖趨湖州吳人迎戰於毗山又戰於三里橋皆敗遂圍湖州士誠遣朱暹五大

子等以六萬衆來援屯於舊館築五砦自固達遇春築十壘以遮之斷其糧道士誠知事急親督兵至戰於皂林之野又大敗徐志堅敗於東遷潘元紹敗於烏鎮遂破昇山水陸塞舊館援絕五太子朱暹呂珍皆降五太子者士誠養子短小精悍能平地躍丈餘又善沒水珍暹皆宿將善戰至是降達等以徇於湖州守將李伯昇等以城降嘉興松江相繼降而潘元明亦以杭州降於朱文忠大軍遂攻平江築長圍以困之士誠拒守數月太祖移書招之曰古之豪傑以畏天順民爲賢以全身保族爲智漢竇融宋錢俶是也爾宜三思勿自取夷滅爲天下笑士誠得書不報數突圍決戰俱不利李伯昇知士誠困其欲說令降遣所善客踰城詣士誠門告急士

誠召之入曰若何言客曰爲公言興亡禍福之計願公安意聽之士誠曰何如客曰公知天數乎昔項羽喑鳴叱咤百戰百勝卒敗死垓下天下歸於漢何則天數也公初以十八人入高郵元兵百萬圍之此時如虎落窰一旦元兵潰亂公遂提孤軍東取三吳有地千里甲士數十萬南面稱孤此項羽之勢也誠於此時不忘高郵之危收召豪傑任以職事撫人民練兵旅有功者賞敗軍者戮號令嚴明百姓樂附不特三吳可保天下不難定也士誠曰足下此時何不言客曰此時雖有言公不聽也公子弟親戚將相提兵者自以爲韓白謀畫者自以爲蕭曹儻然視天下不復有人方美衣玉食歌童舞伎日夕酣宴公深居收一軍不聞失一地不知知亦不問

故其事至此士誠曰吾甚悔之足下何以教我客曰我有一策恐公不從也公不聞陳友諒乎跨有荆楚帶甲百萬與江左兵戰於姑孰鏖於彭蠡友諒舉火欲燒江左之船天乃反風焚之友諒兵敗身喪何則天所興人力無如何也今敵攻我益急公始恃湖州援繼恃嘉興又恃杭州今皆失矣獨守此尺寸之城誓以死拒勢極患至猝有變從中起公雖欲速死不可得也莫若順天命遣一介使疾馳金陵稱公所以歸義救民之意開城門幅巾待命當不失萬戶侯况嘗告以寶融錢俶故事乎且公之地譬如博者得人之物而復失之於公何損士誠仰視良久曰君將思之乃謝客竟不降也士誠故有勇勝軍號十條龍者皆驍猛善鬪每令被銀鎧錦衣出

入陣中亦悉敗溺萬里橋下死最後丞相士信又中礮死城中洶洶無固志城遂破士誠收餘衆戰於萬壽寺東街衆散走倉皇歸府第拒戶自縊故部將趙世雄從解之大將軍數遣李伯昇潘元紹等諭意瞑日不答昇出封門入舟不復食至金陵竟自縊死年四十七命具棺葬之方士誠之被圍也語其妻劉曰吾敗且死矣若曹何爲劉荅曰君母憂妾必不負君積薪齊雲樓下及城破驅羣妾登樓令養子辰保縱火焚之亦自縊死有二幼子匿民間不知所終先是黃敬天等三人用事吳人知士誠必敗有黃菜葉十七字之謠其後卒驗云莫天祐者元末聚衆保無錫州士誠招之不從以兵攻之亦不克士誠旣受元官天祐乃降士誠累表爲同僉樞密

院事及平江旣圍他城比下惟天祐堅守工誠破胡廷瑞急
攻之乃降太祖以其多傷我兵誅之李伯昇任吳至司徒旣
降命仍故官進中書平章同知詹事府事嘗將兵討平湖廣
慈利土酋又爲征南右副將軍同吳良討靖州蠻後坐胡黨
死潘元明以平章守杭州降仍爲行省平章與伯昇俱食歲
祿七百五十石不治事雲南平以元明署布政司事卒官工
誠自起至亡凡十四年

明玉珍隨州玉沙村人身長八尺餘目重瞳子徐壽輝起玉
珍與里中父老謀避兵父老曰足下素剛直儻能集壯勇完
鄉里衆所願也乃團結千餘人屯青山推玉珍爲屯長及壽
輝稱帝使人招玉珍曰來則共富貴不來舉兵屠之玉珍引

其衆降以元帥守沔陽與元將哈麻禿戰湖中飛矢中右目
目遂眇久之玉珍率舟船五十艘掠糧川峽間將引還時元
右丞完者都鎮重慶義兵元帥楊漢應募至欲殺之而并其
軍不克漢走出峽遇玉珍爲言重慶無重兵而完者都與右
丞哈麻禿不相能若回船出不意襲之可取而有也玉珍意
未決部將戴壽直前曰機不可失也分船爲二半貯糧歸沔
陽半因漢兵攻重慶不濟則掠財物而還玉珍從其策竟走
完者都執哈麻禿以獻壽輝以玉珍爲隴蜀行省右丞已而
完者都自果州來會平章劾革歹叅政趙資謀復重慶屯嘉
定之大佛寺玉珍遣義弟明二禦之明二者黃陂人有智勇
玉珍寵愛之使從已姓或呼明三奴其後復姓名曰萬勝

乃親率眾圍之遣二以輕兵
命隨唐極虜朝華友及子妻子以歸朝華友妻自沉於江以
食妻子值嘉定招資降資引弓射殺妻又欲射其子與以盾

護之乃免俄城破擒資及完者都團華友歸於重慶管諸治
平寺欲使爲已用三人者執不可乃斬於市以禮葬之獨人
謂之三忠於是諸郡縣相次來附居無何陳友諒弑其君壽
輝而自立玉珍曰與友諒俱臣徐氏顧悖逆如此命以兵塞
壘唐絕不與通立壽輝廟於城南隅歲時致祀衆推玉珍爲
權蜀王玉珍以元進士劉楨爲叅謀朝夕侍講論楨字維周
瀘州人嘗爲大名路經歷棄官歸家玉珍之攻重慶也道瀘
部將劉澤民曰是間有劉維周者能文章政事可大任也玉

珍往見之與語大悅卽日延至舟中尊禮備至玉珍稱王之
次年楨屏人說曰西蜀形勝地東有瞿唐北有劍閣沃野千
里自遭青巾之虐人物凋耗大王撫而有之休養傷殘之民
用賢治兵可以立不世業當於此時稱大號以係人心玉珍
駭然曰此非我敢望也楨曰大王所部皆四方之人若謙讓
猶豫一旦將士思鄉土瓦解星散大王孰與建國乎玉珍猶
不聽翌日楨又言玉珍乃謀於衆以明年春僭卽皇帝位於
重慶國號大夏建元天統立妻彭氏爲皇后子昇爲皇太子
倣周制六卿以戴壽爲冢宰萬勝爲司馬張文炳爲司空向
大亨莫仁壽爲司寇吳友仁鄒興爲司徒劉楨爲宗伯牟圖
南爲翰林院承旨分蜀地爲八道更置府州縣官名是歲元

至正二十二年也蜀兵視諸國爲弱勝兵不滿萬人王
無遠畧然性節儉頗好文學折節下士既卽位設國子監以
教公卿子弟設提舉司教授所以教州縣生徒建社稷宗廟
求雅樂開進士科定賦稅額以十分取一爲則蜀人悉便安
之皆劉楨爲之謀也其秋廷試進士賜董重璧等及第出身
有差又下詔除釋老二氏教然猶令民間持彌勒佛號以已
從壽輝起兵壽輝本倡言彌勒佛出世故也其明年出師攻
雲南遣勝由界首興由建昌指揮李某由八番三道並進鄒
李皆不至唯勝抵雲南梁王寺羅走營金馬山又明年挾大
理兵擊勝勝以孤軍無繼引還重慶復遣興取巴州又明年
更次卿爲中書省樞密院以壽勝爲左右丞相大亨文炳知

樞密院事與鍾成都友仁鍾保寧仁壽鍾夔關皆平章事實
英鍾播州姜珪鍾夷陵皆叅知政事荆玉鍾永寧商希孟鍾
繁南皆宣慰使是歲遣勝取興元遣叅政江儼通好於太祖
太祖遣都事孫養浩報聘遺玉珍書曰足下處西蜀予處江
左蓋與漢季孫劉相類近者王保保以鐵騎勁兵虎踞中原
其志殆不在曹操下使有謀臣如攸或猛將如遼卻予兩人
能高枕無憂乎予與足下實唇齒邦願以孫劉相吞噬爲鑒
爲後信使往返不絕其冬蜀中星隕如雨明年春玉珍病革
召壽等諭曰西蜀險固若協力同心左右嗣子則可以自守
不然後事非我所知也遂卒凡立五年年三十六子昇嗣葬
玉珍於江水之北號永昌陵上廟號曰太祖

昇既嗣位改元開熙尊母彭氏爲皇太后權同聽政昇甫十歲諸大臣皆相暴不肯相下而萬勝與張文炳有隙寧遣人殺文炳文炳所善王珍養子明昭出入禁中復矯彭氏旨召勝縊殺之勝開國功最多死不以罪蜀人多憐之者吳友仁自保寧移檄以清君側爲名昇命戴壽討之友仁遺壽書曰不誅昭則國必不安衆必不服昭朝誅吾當夕至壽乃奏誅昭友仁入朝謝罪於昇諸大臣用事而友仁尤專恣國柄旁落天統之業衰矣萬勝既死劉楨爲右丞相後三年卒是歲昇遣使告哀於太祖已又遣使入聘太祖亦遣侍御史蔡哲報之昇嗣位之三年是爲明洪武元年太祖克元都昇奉書稱賀其明年太祖遣使求大木昇遂并獻方物帝賜璽書

之其冬遣平章楊璟諭昇歸朝昇不能從又明年興元守將以城迎降於明師吳友仁數往攻之不克是歲明遣使假道征雲南昇不奉詔又明年乃命征西將軍湯和率副將軍廖永忠等以舟師由瞿唐趨重慶前將軍傅友德率副將軍顧時等以步騎由秦隴趨成都伐夏初壽言於昇曰以王保保李思齊之強猶莫能與明抗况吾蜀乎一旦有警計安出友仁曰不然吾蜀襟山帶江非中原比莫若外假交好以緩敵內修武事以示備昇以爲然遣莫仁壽以鐵索橫斷瞿唐峽口至是又遣壽友仁鄒興等益兵爲助遂北倚羊角山南倚南城砦鑿兩崖石壁引鐵索爲飛橋用木板置砲以拒明師和軍不能進又遣兵北守金牛隘友德覘階文無備進破二

州又破綿州壽乃留興等守瞿唐而自與友仁還會向大亨
之師以援漢州數戰皆大敗壽大亨走保成都友仁走保保
寧會天忠亦破瞿唐關飛橋鐵索皆燒斷興中矢死夏人皆
潰遂破夔州師次銅鑼峽昇震恐右丞劉仁勸奔成都昇岳
彭泣曰成都可到亦僅延旦夕命耳仁曰柰何彭曰大軍所
過勢如破竹不如早降以活民命昇卽遣使齎表乞降於是
面縛銜璧輿觀與母彭及官屬降於軍門和受璧永忠解縛
承旨撫慰下令諸將不得有所侵擾而壽大亨亦以成都降
於友德悉送昇等京師昇旣至詔禮官議受降禮禮臣奏言
皇帝御奉天殿明昇等俛伏待罪午門外有司宣制赦如孟
梟降宋故事帝曰昇勿弱事由臣下與孟梟異宜免其伏地

上表待罪之儀是日授昇爵歸義侯賜第京師冬十月和等
悉定川蜀諸郡縣執友仁於保寧遂班師壽大亨仁壽皆鑿
舟自沉死丁世貞者文州守將也友德攻文州據險力戰汪
典祖死焉文州破遁去已復以兵破文州殺朱顯忠友德擊
走之夏亡復集餘衆攻秦州兵敗爲其下所殺友仁至京師
帝以其寇漢中首造兵端令明氏失國僇於市明年徙歸義
侯昇於高麗

方國珍黃巖人長身黑面體白如瓠力逐奔馬世以販鹽浮
海爲業元至正八年有蔡亂頭者行剽海上有司發兵捕之
國珍怨家告其通寇國珍殺怨家遂與兄國璋弟國瑛國珉
亡入海聚衆數千人劫運艘梗海道元遣行省叅政朶兒只

五討之兵敗爲所執脅使請於勅授定海尉尋叛寇温州元
以李羅帖木兒爲行省左丞督兵討之復敗被執乃遣大司
農達識帖木邇招之復降已而汝頰兵起元募舟師守江國
珍疑懼復叛殺達魯花赤秦不華亡入海元復遣左丞帖里
帖木耳招之都事劉基言方凡首亂數降數叛不可撫行省
以謂於朝國珍使人浮海至京師賂諸權貴卒許降授徽州
路治中令散其衆之官國珍不聽命擁船千艘攻陷台州焚
蘇之太倉元復以海道漕運萬戶招之乃受官尋進行省叅
政俾以兵攻張士誠士誠遣將禦之崑山國珍七戰七捷會
士誠亦已降元乃罷兵於是國珍盡有慶元溫台之地益強
不可制國珍之初作亂也元出塞名宣勅數十道募人擊賊

海濱壯士多應募立軍務所司邀重賄不輒與有一家數人
死事卒不得官者而國珍之徒一再招諭皆至太官由是民
慕爲盜從國珍者日益夥元旣失江淮資國珍舟以通海運
重以官爵羈縻之國珍既得官擁兵侵掠自如元人無以難
也有張子善者好縱橫之術說國珍以舟師游江窺江東北
畧青徐遼海國珍不能用謝遣之太祖已取婺州使主簿蔡
元剛使慶元國珍謀於其下曰江左號令嚴明恐不能與抗
况爲我敵者西有吳南有閩莫若姑示順從藉爲聲援以觀
其變衆皆以爲然國珍遣使奉書進黃金五十斤白金百斤
文綺百匹太祖復遣鎮撫孫養浩報之國珍請以三郡獻且
遣次子關爲質太祖却其質厚賜而遣之復使博士夏煜往

拜國珍福建行省平章事第國珍參知政事國珍樞密分陪
僉事國珍名獻三郡陰持兩端煜既至乃詐稱疾自言老不
任職惟受平章印誥而已太祖察知其情以書諭曰吾始以
汝豪傑識時務故命汝專制一方汝顧中懷叵測欲覘我虛
實則遣侍子欲却我官爵則稱老病夫智者轉敗爲功賢者
因禍成福汝審圖之是時國珍歲歲治海舟爲元漕張士誠
粟十餘萬石於京師元累進國珍官至江浙行省左丞相獨
國公分省慶元國珍受之如故特以甘言謝太祖絕無內附
意及得所諭書竟不省太祖復以書諭曰福基於至誠禍生
於反覆隗囂公孫述敢敵可避操太軍一出不可虛詞解在
國珍詐窮始惶懼謝罪以金饋都鞍馬獻太祖復却之曰

苗帥蔣英等叛殺國珍將首奔國珍國珍不受自會州
福建國璋守台遂擊之爲所敗被殺太祖遣使弔祭贈
人周宗道以平陽來降國璋次子明善守溫以兵爭奈軍
深擊敗之遂下瑞安進兵溫州明善怒乃與國珍謀請歲輸
白金三萬兩以給軍賞犒杭州守帥納土入朝太祖遂詔深
班師吳元年既克杭州國珍據境自如遣間諜假貢獻名覘
江東成敗又數通好於據郡帖木兒及陳友定圖爲犄角太
祖聞之怒貽書數其罪一罪復責軍糧二十萬石國珍集眾
議郎中張本仁左丞劉庸等贊言不可從有丘楠者獨爭曰
彼所言均非公福也惟智可以決事惟信可以守國惟直可
以用兵公經營浙東十餘年矣遷延猶豫計不早定不可謂

智既許之降抑又倍焉不可謂信彼之徵師則有詞矣我實
負彼不可謂直幸而扶服請命庶幾可視錢俶乎國珍不聽
惟日夜運珍寶治舟楫思航海而已太祖已破乎江進兵討
之命叅政亮祖攻台州國瑛迎戰敗棄城走黃巖復破黃
巖進克温州走明善平南將軍湯和以大軍長驅抵慶元國
珍率所部遁入海追敗之盤嶼其部下諸將相次出降和數
令人開示以順逆國珍乃遣子關奉表乞降曰臣聞天無所
不覆地無所不載王者體天法地於人無所不容臣荷主上
覆載之德舊矣不敢自絕於天地故一陳愚衷臣本庸才遭
時多故起身海島非有父兄相藉之力又非有帝制自爲之
心方主上遣驛電報至於婺州臣愚卽遣子入侍固已知主

上有今日矣將以依日月之末光望雨露之餘潤而主上推誠布公俾守鄉郡如故吳越事臣遵奉條約不敢妄生節目子姓不戒潛構讐端狼勞問罪之師私心戰兢用是遂俾守者出迎然而未免浮海何也昔孝子之於其親小杖則受大杖則走臣之情事適與此類卽欲面縛待罪闕庭復恐嬰斧鉞之誅使天下後世不知臣得罪之深將謂主上不能容臣豈不累天地大德哉蓋幕下士詹鼎詞也太祖覽而憐之賜書曰汝違吾諭不卽下手歸命次且海外負恩實多今者窮蹙無聊情詞哀懇迫人於險吾故耻之當爲汝不記前過汝勿自疑遂促國珍入覲面讓之曰若來得毋晚乎國珍頓首謝乃授廣西行省左丞食祿

百數歲卒於京師子禮官

廣洋衛指揮僉事關虎賁衛千戶所鎮撫關弟行字明敏善
詩承旨宋濂嘗稱之劉仁本字德元國珍同縣人元末甲進
士乙科歷官江浙行省左右司郎中與張本仁俱入國珍幕
數從名士趙俶謝理朱右等賦詩尤有稱於時國珍海運輸
元實仁本司其事朱亮祖之下温州也獲仁本以還太祖數
其罪鞭背潰爛死餘官屬從國珍降者皆徙滁州獨赦丘楠
以爲韶州知府詹鼎者寧海人有才學爲國珍府都事判上
虞有治聲旣至京未見用草封事萬言候駕出獻之帝爲立
馬受讀命丞相官鼎楊憲忌其才阻之例徙梁峽憲改除留
守經歷遷刑部郎中坐累死
李思齊字世賢羅山人汝南人起中流大業建國日久無功

至正十二年思齊與察罕帖木兒集義旅襲破羅山先以思齊知汝寧府十七年韓德將李武崔德擾陝西同察罕援之武德降遷四川符省右丞明年同察罕敗李喜喜兵於華昌二十一年平伏羌諸縣別遣兵敗明玉珍於嘉定論二年李羅帖木兒遣竹貞襲據陝西思齊與擴廓帖木兒部將高合兵攻貞降之二十五年封思齊許國公尋加平章政事邠國公思齊故與察罕鄉里同起兵齒位相埒無所降屈察罕死擴廓總天下軍以檄檄思齊思齊怒曰吾與若父交若父進酒三拜然後飲若髮未燥敢檄我耶令一騎母出關與張良弼孔興服列伯連兵拒擴廓李羅襲據京師元太子命思齊率所部勤王李廣諸進取川蜀又命為副總統

中皆不奉詔漢武元年聞明師已取河南乃解而西與長朔
拒守潼關會大將長強營思齊遠退軍胡虜灘遣部將張德
欽薛穆飛等守關都督馮勝進攻克之思齊走鳳翔是時思
齊總關陝秦隴之師西至吐蕃東至商維南至礪頭北至環
慶擁精甲十餘萬元人倚之而思齊與擴都尋兵不已明師
下山東元都危逼卒坐視不救明師遂長驅下河南不期月
而元亡初太祖嘗遣使致書思齊思齊執使者戮之及是復
以書諭之曰前遣使通問未獲晉新使非人忤足下意曷留
之與抑元使適至不能隱而戮之與昔足下在秦中兵家地
險張思道專尚諱力孔興等後自守擴廓帖木兒好屢出沒
然皆非効敵足下不以此時圖秦自王冷中原委爲我有何

與足下相犄角者皆披靡竄伏而欲以孤軍相持豈有濟哉
如或深入沙漠將圖後舉旣非族類其心必異且從行之衆
必不樂居彼一日變生肘腋妻孥不相保矣足下祖宗墳墓
皆在汝南獨不念及乎誠審其就實將以漢寶融之禮思齊
得書欲降其養子趙琦等誘令西入吐蕃二年三月馮勝師
至鳳翔思齊懼盡率所部與琦等奔臨洮大將軍徐達遣勝
逼之琦等先竊寶貨婦女遁匿思齊窮蹙遂舉臨洮降于京
入見大祖以其議天命非他將偏强者比洙嘉慰之命爲江
西行省左丞不之官三年從大將被定西還取興元論功賜
文綺進中書平章食祿不視事七年遣往招諭廣廓至則待
以禮尋使騎士送之歸里下辭曰主帥有命請留一物爲

別忠齊曰吾遠來無所齎騎士口願得公一臂思齊知不可
免遂斷與之還未幾卒太祖親爲文祭之子世昌金吾指揮
同知

明史彙

列傳第九終

明史藁

列傳第十

光祿大夫

經筵講官明史總裁戶部尚書加七級

臣王鴻緒

敕編撰

擴廓帖木兒

蔡子英

陳友定

伯顏子才

擴廓帖木兒沈丘人本姓王氏名保保元平章察罕帖木兒其舅也養以爲子順帝賜名擴廓帖木兒汝穎益起察罕起義兵與羅山人李思齊復羅山戰河南北擊賊關中河東復汴梁走劉福通平山東降田豐賊幾盡總大兵圍益都田豐叛察罕爲王士誠所刺事盡元史察罕旣死軍中奉養其爲帥就拜太尉中書平章政事知樞密院事知察罕官總其兵圍益都穴地而入克之執事王士誠以其命以察察罕將帥

孫頭等二百餘人獻闕下東虜宮殿山東地悉定至正二十二年也先是察罕定晉冀李羅帖木兒在大同以兵爭其地數相攻順帝下詔和解終未聽擴廓既平齊地則引軍駐太原與李羅構如故曾老的沙禿堅獲罪於太子出奔李羅李羅匿之詔削李羅官解其兵柄李羅遂舉兵犯京師殺丞相搠思監自爲左丞相老的沙爲平章禿堅知樞密院太子求援於擴廓擴廓遣其將白鎖住以萬騎入衛京師戰不利李太子奔太原踰年擴廓以太子令舉兵討李羅覆大同進薄大都順帝乃襲殺李羅於朝擴廓從太子入覲以爲太傅左丞相當是時微擴廓太子幾殆擴廓功雖高起行間驟至相位中朝諸舊臣多忌之者而擴廓久典軍亦不樂在內居

月即請出治兵於平江淮詔許之封河南王俾總天下兵代
皇太子出征分省中官屬之半以自隨鹵簿甲仗巨數十里
軍容甚盛時太祖已滅陳友諒盡有江楚地張士誠據淮東
浙西擴廓知南軍強未可輕進乃駐軍河南檄關中四將軍
會師進討四將軍者李思齊張思道孔興脫列伯也思齊得
檄大怒令其下一甲不得出武關思道等皆不聽調於是擴
廓歎曰吾奉詔總天下兵而鎮將不受節制何討賊爲乃遣
其弟脫因帖木兒以一軍屯濟南防遏南軍而自引兵西攻
關攻思齊等思齊等會兵長安盟於合元數基併力拒擴廓
相持經年數百戰未能決順帝使使諭令罷兵專事江淮擴
廓欲遂定思齊等然後引軍東乃遣其驍將顯斌趨河

出不意壽鳳翔覆思齊巢穴。高所將多率羅部。行至
輝軍變脅。高叛擴廓。襲衛輝彰德。據之。罪狀擴廓於朝。初
太子之奔太原也。欲用唐肅宗靈武故事。自立擴廓。不可。及
還京師。皇后諭指令以重兵擁太子入城。脅順帝禪位擴廓。
未至京三十里。留其軍以數騎入朝。由是太子深銜之。而順
帝亦心忌擴廓。廷臣譁言擴廓受命平江淮。乃西攻蘭州。令
罷兵不奉詔。跋扈有狀。會高奏。順帝乃削擴廓太傅。中
書左丞相。令以河南王就食。邑汝南。分其軍隸諸將。而以高
高爲知樞密院兼平章。總河北軍。賜其軍號忠義。幼臣太子。
開撫軍院於京師。總制天下兵馬。專備擴廓。擴廓既受詔。
還軍駐澤州。其部將闕保亦叛歸於朝。朝廷知擴廓勢。

詔李思齊等東出關與貊高合攻擴廓而令孫左丞分省太原關保以兵戍之擴廓乃遣軍據太原盡殺朝廷所置官吏於是順帝下詔盡削擴廓官爵令諸軍四面討之是時明兵已下山東收大梁梁王阿魯溫察罕父也以河南降脫因帖木兒敗走餘皆望風降遁無一人抗者既迫潼關思齊等倉皇解兵西歸而貊高關保皆爲擴廓所擒殺順帝大恐下詔歸罪於太子罷撫軍院悉復擴廓官爵令與思齊等分道南討詔下一月明兵已逼大都順帝北走擴廓入援不及元遂西距察罕死時僅六年云明兵已定元都將軍湯和等卽自澤州徇山西擴廓遣將禦之戰於韓店明師大敗會順帝自開平命擴廓復大都擴廓勅北出鴈門將由保安徑居庸以

攻北平徐達常遇春乘虛擣太原擴廓還救都將豁鼻馬潛約降於明明兵夜劫營營中驚潰擴廓倉卒以十八騎北走明兵遂西入關思齊以臨洮降思道走寧夏其弟良臣以慶陽降既而復叛明兵破誅之於是元臣皆入於明惟擴廓擁兵侵掠塞上西北邊苦之洪武三年太祖命大將軍徐達總大兵出西安擣定西擴廓方圍蘭州趨赴之戰於沈兒峪大敗盡亡其衆獨與妻子數人北走臣黃河得流木以渡遂奔和林時順帝崩太子嗣立復以國事任擴廓踰年太祖復遣大將軍徐達左副將軍李文忠征西將軍馮勝將十五萬衆分道出塞取擴廓大將軍壘嶺北與擴廓遇大敗死者數萬

郭朱可輕也至是帝思其言

王曰吾用兵未嘗敗北今諸將自請深入敗於和林輒信

謀致多殺士卒不可不戒明年擴廓復侵雁門命諸將盛爲之備自是胡兵稀出塞矣其後擴廓從其主徙金山卒於哈喇那海之衛庭其妻毛氏亦自經死蓋洪武八年也初察罕破山東江淮震動太祖使使通好於察罕察罕來致書亡何元遣戶部尚書張昶郎中馬愈謀齎龍衣御酒以榮祿大夫江西等處行中書省平章政事書身浮海如江東至則察罕已死太祖遂不受殺馬合謀以張昶才留官之及擴廓視師河南太祖乃復遣使通好擴廓輒留使者不遣前後七致書皆不答既出塞復遣人招諭之亦不應太祖以是心敬擴廓七年大會諸將問曰天下奇男子誰也皆對曰常遇春將不

過萬人橫行無敵奇男子太祖笑曰遇椿雖人傑吾得而臣之吾不能臣也保其久奇男子也竟冊其妹為秦王妃張昶仕明累官中書省參知政事有才辨明習故事裁決如流甚見信任自以故元臣忠著戀戀會太祖縱降人北還昶附私書訪其子存亡楊意得其書藁以聞下吏按問昶大書牘背曰身在江南心思塞北太祖乃殺之而擴廓幕下士以不屈節繼出塞者有蔡子英

蔡子英永寧人元至正中進兵察罕開府河南辟子英參軍事累薦至行省參政元亡從擴廓走定襄明兵克定西擴廓軍敗子英單騎走關中尹以南山朱趙聞其名使人繪形求得之傳詣京師至江濱子英變姓為春關中人之為有

司所述械過洛陽見湯和長揖不拜抑之跪不肯和怒燕火
焚其鬚不動其妻適在洛請與相見子英避不肯見至京太
祖命脫械以禮禮之授以官子英不受退而上書曰陛下乘
時應運提三尺劍削平羣雄溥海內外莫不賓貢臣鼎魚漏
網假息南山曩者見獲傳送京師垂及渡江復得脫亡七年
之久重煩有司追跡旣忤陛下又忤大臣揆之常情萬死莫
贖而陛下以萬乘之尊全匹夫之節不降天誅反療其疾易
冠裳賜酒饌授以官爵陛下之量包乎天地矣臣感恩無極
非不欲自竭犬馬上報深仁但名義所存不敢輒渝初志自
惟身本草布遭值亂離操戈行伍智識淺陋過蒙主將知薦
仕至七命躍馬食肉十有五年愧無尺寸功以報國士之遇

及國家破亡又當大節何面目見天下士所以寧死不敢有他志蓋聞臣之事君猶女之適人一與之醮終身不改一食其祿終身無貳是故不正之女中士羞以爲家不貞之士中君羞以爲臣管子曰禮義廉耻國之四維四維不張國乃滅亡方今金城湯池兵極其精將極其猛府庫充實米粟紅腐國家之盛古未有也陛下猶以爲未足於是興學校明人倫褒死節獎忠義蓋以治天下之本莫大乎禮義廉耻也以今天下之廣人物之衆不以臣一人而加少不以臣一人而加多授臣以官何益於國舍臣不用何損於事陛下創業垂統正當挈持大經大法昭示子孫臣民不宜以無禮義廉耻之俘囚而廁諸維新之朝賢士大夫之列也臣自被獲以來日

夜思難咎往昔之不死至於今日惟一死可以塞責乃曰

待臣以禮加臣以恩臣固不敢賣死立名亦不敢偷生苟祿
若察臣之愚全臣之志禁錮海內畢其餘命則雖死之日猶
生之年陛下威加海內不思不仰於匹夫之賤然臣聞仁者
不處道而改節義者不毀志以殉時故王蠲閉戶以自縊李
苦闔門以自屠彼非惡榮利而樂死亡顧義之所往雖湯獲
有不得避也嗟焉之軀上愧古人死有餘恨惟陛下察帝
覽其書益重之館之儀曹忽一夜大哭不止人問其故曰無
他思舊君耳帝知不可奪洪武九年十二月令有司送出塞
令從故主於和林

陳友定一名有定字安國福清人徒屠打之清流世業農爲

人沈勇喜游俠鄉里皆畏服之至正中汀州府判蔡公安至清流募民兵討賊友定應募公安與語奇之使掌所募兵署爲黃土塔巡檢討平諸山寨進清流縣尹陳友諒遣鄧克明等陷汀邵畧杉關行省授友定汀州路總管禦之戰於黃土尖捷走克明逾年克明復取汀州魯以建寧守將完者帖木兒搬友定入援連破賊悉復所失郡縣行省上其功第一進參知政事也置分省於延平以友定爲平章於是友定盡有福建八郡之地友定以農家子起備伍目不知書及據八郡數招致文學知名士如閩縣鄭定廬州王翰之屬留置幕下羸涉交吏習爲五字小詩皆有意理然頗任威福所屬違令者輒承制誅竄不絕漳州守將羅良心不平以書責之曰郡

縣者國家之土地官司者人主之臣役而膺廩者朝廷之外
府也今足下視郡縣如室家驅官僚如圉僕擅膺廩如私藏
名雖報國實有鷹揚跋扈之心不知足下欲爲郭子儀乎抑
爲曹孟德乎友定怒竟以兵誅良而福清宣慰使陳瑞孫崇
安令孔楷建陽人詹翰拒有定不從皆被殺於是友定威震
八閩然事元未嘗失臣節是時張士誠據浙西方國珍據浙
東名爲附元歲漕粟大都輒不至而友定歲運糧數十萬至
元都海道遼遠至者嘗十三四元主嘉之下詔褒美太祖旣
定婺州與友定接境友定侵處州參政胡深擊走之遂下浦
城克松溪獲友定將張子玉與朱亮祖進攻建寧破其二柵
友定遣阮德柔以兵四萬屯錦江繞出深後斷其歸路而自

率牙將賴政等以銳師搏戰德柔自後來擊深兵敗被執死之太祖既平方國珍卽發兵伐友定將軍胡廷美何文輝由江西趨杉關湯和廖永忠由明州海道取福州李文忠由浦城取建寧而別遣使至延平招諭友定友定置酒大會諸將及賓客殺明使者灑其血酒甕中與衆酌飲之酒酣誓於衆曰吾曹並受元厚恩有不以死拒者身磔妻子戮遂往巡視福州環州城皆築壘距壘五十步輒築一臺嚴兵爲拒守計已而聞杉關破急分軍爲二命其將以一軍守福而自率一軍守延平以相犄角及湯和等舟師抵福之五虎門平章出引兵逆戰敗明人悉緣南臺蟻附登城守將遁去參政克仁宣政使朶耳麻不屈死僉院柏帖木兒積薪樓下

及二女縱火自焚死。建美克建寧湯和進攻延平。友定請於衆曰：敵兵方銳，難與爭鋒。不如持久困之。請將請出戰，不許數請不已。友定疑所部叛，殺蕭院判軍士多出降。會軍暴局災城中礮聲震地，明師知有變，急攻城。友定呼其屬訣曰：大事已去，吾一死報國。諸君努力，因退入省堂，衣冠北面，再拜仰藥死。所部爭開城門納明師，師入趨視友定，猶未絕也。尋出水東門適天大雷雨，友定復甦，遂械送京師。入見帝，帝之友定厲聲曰：國敗家亡，死耳，尚何言！遂併其子海壽之。一名宗海，工騎射，亦喜賓禮。文士友定既被執，自將藥歸於軍門。至是從死。元末所在盜起，民間起義兵，保障鄉里，稱不帥者不可勝數。元輒因而官之，其後或去爲盜，或事元不降。

惟友定父子死義時人稱完節焉友定既死興化泉州官署
風納欵獨漳州路達魯花赤迭里彌實具公服北面再拜曰
斧斫印章以佩刀割喉而死時云聞有三忠謂友定相轄未
見迭里彌實也鄭定字孟宣好擊劍爲友定記室及敗浮海
入交廣間久之還居長樂洪武末累官至國子助教王翰字
用文仕元爲潮州路總管友定敗爲黃冠棲永泰山中者十
載太祖聞其賢強起之自刎死有子偁知名爲友定所僻者
又有伯顏子中子中其先西域人後仕江西因家焉子申明
春秋五舉有司不第行省辟授東湖書院山長遷建昌教授
予中雖儒生慷慨喜談兵江西盜起授分省都事使守贛州
而陳友諒兵已破贛子中倉卒募吏民與鬪城下不勝脫身

聞道走閩陳友定素知之辟授行省員外郎出奇計以友定
兵復建昌浮海如元都獻捷累遷吏部侍郎持節發廣東何
真兵救閩至則廖將軍永忠已降何真子中跳墮馬折一足
致軍前永忠欲脅降之終不屈義而舍之乃變姓名冠黃冠
游行江湖間太祖求之不得簿錄其妻子于中竟不出嘗齋
鳩自隨有急則死之久之事寢解乃還故里洪武十二年詔
令郡縣舉元遺民將官之不應者論重辟布政使沈立本密
言子中於朝詔以幣聘使者至于中太息曰死晚矣爲歌七
章哭其祖父師友飲鳩而死當元亡時守土臣仗節死者甚
衆明兵克太平總管蘄義赴水死攻集慶行臺御史大夫福
壽戰敗嬰城固守城破猶督兵巷戰兵潰坐伏龜樓指揮左

右欲戰或勸之適福壽叱而射之遂死於兵參政伯家奴達魯花赤達尼達思等皆戰死克鎮江守將段武平章定定戰死克寧國百戶張文貴受妻妾自刎死克徽州萬戶吳訥戰敗自殺克婺州浙東廉訪使湯惠婺州達魯花赤僧住戰死克衢州總管馮浩赴水石抹宜孫守處州其母與弟厚孫先爲明兵所獲今以書信之不聽比克處州宜孫戰敗走建寧收集士卒欲復處州攻慶元爲耿再成所敗還走建寧半道遇鄉兵被殺部將李彥文葬之龍泉太祖嘉其忠遣使致祭復其處州生祠又祠福壽於應天余闕於安慶李黼於江州闕備事具元史其後大軍北伐元益都平章普顏不花不屈死克東昌平章申榮自縊死直入路達魯花赤鈹納錫彰

國王取元都胡服登城而崖北面再拜投崖死克奉元

臺御史桑哥失里與妻子俱投崖死左丞拜泰古逃入終南

山郎中王可仰藥死檢校阿失不花自經死三原縣尹朱春

謂其妻曰吾當一以報國妻曰君能盡忠妾豈不能盡節亦

俱投縲死又大言人天州百丞鄧祖勝固守食盡力窮藥

死克潯州吏部亦見職死張門赴不克

都事趙元隆陳廉訪司公事帖木兒不元帥元

亮蠻萬戶董丑漢府州地諸傑皆自殺雲南也一匪烈

天爾密驅妻子沉漁池與其右丞端兒左丞達的

至如劉福通徐壽輝陳友諒等所破郡吏刃

者不可勝數已具載其見明錄者

上

西人

明王... 入

...

...

鳳山... 遊

... 隱深山... 以

... 林學士亦

...

...

... 刺脫實不

... 楊椿獨挺身救

明... 其

... 尸... 而... 之亦自

... 左司

... 乘日

... 生晚節

... 及分自

明史藁

列傳第十

明史稿

列傳第

光祿大夫

經筵講官明史總裁兵部尚書加七級

臣王鴻緒奉

敕編撰

徐達

常遇春

徐達字天德濠人世業農達少有大志長身高顴剛毅英武
太祖之爲郭子興部帥也達時年二十二往從之一見語合
留置麾下及太祖南畧定遠率二十四人俱達首與焉尋從
破元兵於滁州濶從取和州授鎮撫位諸將上爭勸執孫德
崖德崖軍亦執太祖達挺身詣軍請代且曰歸我朱公子我
亦歸而帥太祖乃得歸縱德崖易達以還遂從渡江拔采石
搗太平與常遇春皆爲軍鋒後破擒元將陳瑄於太平

荆將兵取溧陽溧水從下集慶太祖身居守而命達爲大將
率諸軍東攻鎮江拔之走苗帥楊完者修平章殺武定定號
令明肅城中晏然授准興翼統軍大元帥時張士誠已據常
州挾江東叛將陳保二以舟師攻鎮江達敗之於龍潭遂請
益兵以圍常州士誠遣將來援達以敵狡而銳未易力取乃
離城設二覆以待別遣將王均用爲奇兵而自督軍戰均用
突其陣敵退走遇伏大敗之獲其張湯二將進圍常州不下
士誠兵突出扼達於牛塘遇春來援夾擊大破之擒其將張
德明年克常州進僉樞密院事繼克寧國徇宜興使前鋒趙
德勝下常熟擒士誠弟士德明年復攻宜興克之太祖自將
攻婺州命達留守應天別遣兵襲破天完將趙普勝復池州

遷同知樞密院事進攻安慶自無爲陸行夜掩浮山寨破普
勝部將於青山遂克潛山縣還鎮池州與僉院遇春設伏敗
陳友諒軍於九華山下斬首萬人擒三千人遇春曰此勁
旅也不殺爲後患達不可以狀聞太祖使勿殺而遇春先以
夜斫其人過半太祖不憚悉縱遣餘衆於是始命達盡護諸
將矣陳友諒盛兵壓龍江達軍南門外與諸將力戰破之追
及之慈湖焚其舟逐北至池州而還明年從伐漢取江州友
諒走武昌達追之友諒出戰艦汚陽達營漢陽沌口以遇之
進中書右丞明年太祖定南昌降將祝宗康泰叛達以沌口
軍討平之從援安豐破吳將溫珍遂圍廬州會漢人寇南昌
太祖召達會師遇於鄱陽湖友諒軍甚盛達身先諸將擊敗

其前鋒殺千五百人獲一巨舟搏戰不已舟被火撲焰更戰
破敵而出時交諒約士誠窺應天太祖憂之夜遣達還居守
而自與諸將鏖戰竟斃友諒明年太祖稱吳王以達爲左相
國復引兵取廬州克安豐畧下江陵常德夷陵潭辰衡州湖
湘平召還尋率本章遇春等徇淮東克泰州興化會吳人陷
宜興達往援復之還兵克高郵俘吳將士千餘人會常遇春
攻淮安破吳軍於馬驟港守將梅思祖以城降進破安豐獲
元將忻都走左君弼盡得其運艘擴廓帖木兒侵徐州迎擊
大破之俘斬萬計淮南北悉平師還太祖遂議征吳右相國
善長請緩之達曰張氏汰而苛大將李伯昇輩徒擁子女玉
帛易與耳用事者黃蔡葉三參軍書生不知大計臣等主上

威德以大軍蹙之三吳可計日定太祖大悅拜達大將軍平
章遇春爲副將軍將二十萬人伐吳引舟師薄湖州吳人三
道出戰達亦分三軍應之別遣兵扼城斷其歸路吳人戰敗
返走不得入還戰大破之擒將吏二百人圍其城士誠遣呂
珍等以兵六萬屯舊館築五寨自固達使遇春等爲十壘以
遮之士誠自以精兵來援戰皂林大破之士誠走遂破昇山
和陸寨五太子朱暹呂珍等皆降盡得其兵以徇城下守將
亦降遂下吳江州從太湖擣平江達軍葑門遇春軍虎丘郭
子興軍婁門華雲龍軍胥門湯和軍閶門王弼軍盤門張溫
軍西門康茂才軍北門耿炳文軍城東北仇成軍城西南何
文輝軍城西北築長圍困之架木塔與城中浮屠等別築臺

三成瞰城中上置弓弩火筒又置巨礮所擊輒糜碎城中大震達遣使請事太祖勅勞之曰將軍謀勇絕倫故能遏亂畧消羣雄今事必稟命此將軍之忠吾甚嘉之然將在外君不御軍中緩急將軍其便宜料之吾不中制圍久之士誠困出兵搏戰屢敗弟士信中礮死城破執士誠送應天得勝兵二十五萬人始達之將破城也與遇春約曰師入我營其左公營其右又令將士曰掠民財者死毀民居者死離營二十里者死既入城吳人安堵如故師還封信國公尋拜征虜大將軍以遇春爲副將二十五萬人北伐太祖親禡於龍江是時稱名將必推達遇春兩人才勇相類皆太祖所倚重遇春戰疾敢深入而達尤長於謀畧遇春每下城邑

所至不擾卽獲壯士與謀結以恩義俾爲已用由是

大將軍者至是太祖面諭諸將御軍持重有紀律戰勝攻

得爲將之體者莫如大將軍達又謂達閩外之寄汝實任之

進取方畧宜自山東始師行克沂州降其守將王宣進克嶧

州王宣復叛擊斬之莒密海諸州悉下乃使韓政分兵扼河

使張興祖取東平濟寧而自率大軍攻益都破之徇下濰膠

諸州縣進薄濟南降其守將分兵取登萊齊地悉定洪武

平太祖卽帝位以達爲右丞相册立皇太子以達兼太子少

傅副將軍遇春克東昌會師濟南擊斬樂安反者還軍濟寧

以舟師沂河趨汴梁守將李克彝遁走左君弼竹貞等皆降

遂自虎牢關入洛陽與元將脫因帖木兒大戰洛水北破走

之梁王阿魯溫以河南降畧定嵩陝陳汝諸州遂擣潼關李
思齊奔鳳翔張思道奔鄜城遂入關西畧至華州捷聞太祖
爲幸汴梁召達詣行在所置酒勞達且謀北伐達曰大軍平
齊魯掃河洛王保保逡巡觀望潼關旣克思齊輩狼狽西奔
元聲援已絕今乘勢直擣元都可不戰有也帝曰善達復進
曰元都克而其主北走將窮追之乎帝曰元起朔方乘氣運
世有中夏今衰矣行自漸滅不煩窮兵出塞之後固守封疆
防其侵軼可也達頌首受命遂與副將軍會師河陰遣諸裨
將分道渡河徇河北地速不衛輝彰德廣平師次臨清使傅
友德開陸道通步騎顧時浚河通舟師遂引而北副將軍已
克德州合兵取長蘆扼直沽作浮橋以濟師水陸並進元承

朔也速望風走敗元軍於河西務進克通州順帝率后妃太子北去踰五日達陳兵齊化門填濠涇城執其監國淮王帖木兒不花左丞相慶童平章迭兒必失朴賽因不花右丞張康伯御史中丞滿川等數以瀝職無狀且不先納款斬之自餘不戮一人封府庫籍其圖書寶物以兵千人守宮殿門使宦者護視諸宮人妃主禁士卒毋有所侵暴吏民安居市不易肆矣捷京師詔以大都爲北平府置六衛留孫興祖等守之而命達與遇春率師取山西遇春先下保定中山真定馮勝湯和定懷慶度太行取澤潞以大軍繼之時擴廓帖木兒方引兵出雁門徑保安以達等平達聞之與諸將謀曰擴廓遠出太原必虛北平有孫興祖在統六衛師足禦今乘敵

不備直壽太原傾其巢使進不得戰退無所依所謂批亢壽
虛者也彼若西還自救此成擒耳諸將皆曰善乃引兵徑趨
太原擴廓至保安果還軍救之遴選精兵夜襲其營擴廓以
十八騎遁去盡降其軍遂克太原乘勢收大同會馮勝與破
賀宗哲於石州山西悉平三年引兵西渡河至鹿臺張思道
遁遂克奉元時遇春下鳳翔李思齊走臨洮達會諸將議所
向皆曰張思道之才不如李思齊而慶陽易於臨洮請先向
慶陽達曰不然慶陽城險而兵精猝未易拔也臨洮北界河
湟西控羌戎得之其人足以備戰鬪地產足以佐軍儲蹙以
大兵思齊不走則束手縛矣臨洮旣克於旁郡何有遂渡隴
克秦州人黎昌遣右副將軍馮勝逼臨洮思齊果不戰降分

兵克蘭州襲走蒙王盡收其部落輜重還出蕭關下平涼
道走寧夏爲擴廓所執其弟良臣以慶陽降達遣薛顯父之
良臣復叛夜出兵襲傷顯達督軍圍之擴廓遣將來援逆擊
敗去遂拔慶隈良臣父子投於井出而斬之盡定陝西地詔
達班師賜白金文綺甚厚且大論封會擴廓寇蘭州殺指揮
使副將軍遇春已卒帝復以達爲大將軍平章李文忠爲副
將軍分道出兵三年春達自潼關出西道擣定西取擴廓副
將軍自居庸出東道絕大漠取元嗣主達至定西擴廓退屯
車道峴我軍薄之隔溝而壘日數交擴廓發精兵從間道劫
東南壘左丞胡德濟倉卒不知所爲達率兵擊却之德濟故
大海子也械送之京師而斬其下指揮等數人以徇明日整

兵奪溝殊死戰大破擴廓兵擒郝王濟王及國公平章以下
文武僚屬千八百六十餘人將士八萬四千五百餘人馬駝
雜畜以巨萬計擴廓僅挾妻子數人奔和林德濟至京帝釋
之而以書諭達將軍自效衛青不斬蘇建耳獨不見穰苴之
待莊賈乎將軍誅之則已今下廷議吾且念其信州諸暨功
不忍加誅繼自今將軍母事姑息達既破擴廓則率師自徽
州南一百八渡至畧陽克沔州入連雲棧攻興元取之而副
將軍文忠亦克應昌獲元嫡孫妃主將相先後露布聞詔振
旅還京師帝迎勞於龍江乃下詔大封功臣授達開國輔運
推誠宣力武臣特進光祿大夫左柱國太傅中書右丞相參
軍國事改封魏國公歲祿五千石予世券明年復佩大將軍

印鎮北平以便宜徙山後軍民實諸衛府置二百五十四屯
墾田一千三百餘頃其冬召還五年復大發兵討擴廓大將
軍出中道左副將軍文忠出東道征西將軍勝出西道各將
五萬騎出塞達遣都督藍玉擊敗擴廓於土刺河擴廓乃與
賀宗哲合而拒我師我師數發疲飢而心易敵戰不利死者
數萬人帝以達功大弗問也時左副將軍軍亦不利引還獨
征西將軍至西涼獲全勝坐罪馳馬賞不行事具文忠勝傳
明年達復率諸將行邊破敵於答刺海還軍北平留三年而
歸已復出鎮歲盡召還以爲常還輒上將印賜伏沐宴見歡
飲有布衣兄弟稱而達愈謹帝嘗從容言徐兄功大未有是
以吾舊邸居若達固辭一與達之邸強飲之醉而蒙之被

昇臥正寢醒而驚趨下階俯伏呼死罪帝視之大悅乃命有司卽舊邸前治甲第表其坊曰大功胡惟庸爲丞相欲納奸於達達惡之不答則賂總關者福壽使圖達福壽發之達亦不問惟時時爲帝言惟庸不任相後果敗帝益重達十七年太陰犯上將帝心惡之達在北平病背疽稍愈召還明年春疾篤遂卒年五十四帝爲輟朝臨喪悲慟不已追封中山王諡武寧贈其三世皆王爵賜葬鍾山之陰御製神道碑文配享太廟肖像功臣祠位皆第一達言簡慮精提兵之日令出不二諸將奉持凜凜而帝前恭謹如不能言善拊循其下與同甘苦士無不感恩效死以故所向克捷尤嚴戢部伍所平大都一會省三郡邑百數間非宴然民不苦兵歸朝之日單

車就邸延禮儒生談議終日雍雍如也帝嘗稱之曰受命而
出成功而旋不矜不伐婦女無所愛財寶無所取忠正無疵
昭明乎日月大將軍一人而已子四輝祖添福膺緒增壽長
文爲文皇后次代王妃次安王妃輝祖初名允恭身長八尺
五寸有材氣以勳衛署左軍都督府事達薨嗣爵以皇太孫
故改賜今名數出練兵陝西北平山東河南元將阿魯帖木
兒隸燕府有異志捕誅之還領中軍都督府建文初加太子
太傅燕王于高煦輝祖甥也王將起兵高煦方留京師竊其
善馬而逃輝祖大驚遣人追之不及乃以聞於朝遂見親信
久之命率師援山東與燕兵遇齊眉山再戰再破之燕人大
懼俄有詔召輝祖還衛京師輝祖旣還而諸將勢孤遂相次

敗績及燕兵渡江輝祖引兵力戰燕王至金川門獨守父
祠弗迎於是下吏命僕隸狀輝祖惟書其父開國勲及券中
免死語成祖大怒削爵勒歸私第幽繫之永樂五年卒萬曆
中錄建文忠臣廟祀南都以輝祖居首其後追贈太師諡忠
貞輝祖死踰月成祖詔羣臣輝祖與齊黃輩謀危社稷朕念
中山王有大功曲赦輝祖輝祖死中山不可無後遂命其長
子欽嗣九年欽與成公勇定公景昌永康侯忠等俱以縱恣
爲言官所劾帝宥勇等而令欽歸就學十九年來朝遽辭歸
帝怒罷爲民守先塋鳳陽仁宗卽位詔復故爵傳子顯宗承
宗承宗天順初守備南京兼領中軍府公廉恤士有賢聲卒
子備嗣備字公輔持重善爲容南京守備體統最整懷柔伯

施鑑以協同守備位備上備不平言於朝以爵爲序著爲令
弘治十二年給事中胡易御史胡獻以災異陳言下獄備上
章救之正德中上書諫遊畋語切直嘗與無錫民爭田賄劉
瑾爲時所譏備嗣五十二年而卒贈太傅諡莊靖孫鵬舉嗣
襲其妻冒封夫人欲立其子爲嫡坐奪祿傳子邦瑞孫維志
曾孫弘基自承宗至弘基六世皆守備南京領軍府事弘基
累加太傅卒諡莊武子文爵嗣

大清兵下江南文爵降

增壽勇敢善騎射以父任累遷至左都督建文帝疑燕王反
嘗以問增壽增壽頓首曰燕王先帝同氣且富貴已極何故
反及燕師起數以京師虛實論於燕帝覺之未及問比燕王

渡江帝召增壽詰之。對曰：「劍斬之殿，陛下王入撫屍哭，卽位追封武陽侯，謚忠愍，尊進封定國公，祿二千五百石。以其子景昌嗣，驕縱數被劾，賊祖輒宥之。賊祖崩，景昌坐居喪不出宿，奪冠服，族麻已，帝復之三傳。至元孫光祚累典軍府，加太師，嗣四十五年而卒。謚解體，傳子至孫文璧萬曆中，領後軍府，以小心謹畏見親於帝，數代郊天，加太師，累上書請建儲罷礦稅，繼逮繫，帝亦不許也。嗣三十五年而卒。謚康惠，再傳至曾孫允禎，樂禎末爲流賊所殺。洪武諸功臣惟中山子孫有兩公分居南北。京魏烈之後多賢，而累朝恩數定國常倍之。嘉靖中詔赦恩，傳侯世封有旨，定國公功弗稱者，竟弗奪也。添福，阜卒，膺緒初授尚寶，卽卿累遷中軍都督僉事，奉

明請子孫世襲指揮使弗絕

帝遇春字伯仁懷遠人貌奇偉勇力絕人猿臂善射初從劉聚爲盜察聚終無成率所部壯士歸太祖於和陽未至困臥田間夢神人被甲擁盾呼曰起起主君來驚寤而太祖適至卽迎拜無何自請爲前鋒太祖曰汝特饑來就食耳吾安得汝留也遇春固請太祖猶未許曰能相從渡江乎俟克太平事我未晚也旣太祖引兵薄牛渚磯元兵陳磯上其下巨舟相次距岸且三丈餘莫能登遇春飛舸至太祖麾之前遇春應聲奮戈直前敵接其戈乘勢躍而上大呼跳盪元軍披靡諸將乘之遂拔采石進取太平授總管府先鋒進總管都督大福旣渡江將士妻子輜重皆在和州元中丞蠻子海牙復

以舟師襲據采石道中樞太祖自將攻之遣遇春多張疑兵
分元軍勢戰既合遇春操輕舸衝海牙舟爲二左右縱擊大
敗之盡得其舟江南北復遣尋命守溧陽從攻集慶功最從
元帥徐達取鎮江進攻常州吳兵圍達於牛塘遇春往援被
解之擒其將進統軍太元帥既克常州遷中翼大元帥從達
攻寧國中流矢襲劄克之別取馬馱沙以舟師攻池州下
之進行省都督馬步水軍太元帥從取婺州轉同僉樞密院
事守婺移兵攻衢州圍其六門造攻車雲梯高與城埒又穴
地道攻城不克乃以奇兵突入南門襲城毀其戰具急攻之
遂下得甲士萬人進僉院攻杭州失利召還應天從趙拔趙
普勝之水寨使守池州知破漢兵於九華山下語具達傳友

人寇時龍灣遇春以五翼軍設伏大破之遂復太平功最
太祖追友諒於江州命遇春留守用法嚴軍民肅然無敢犯
進行省參知政事從取安慶漢軍出江游徼遇春擊之皆反
走乘勝取江州還守龍灣援長興俘殺吳兵五千餘人其將
李伯昇解圍遁尋寔安慶城破斬叛卒羅友賢於池州悉平
其餘黨當是時太祖所任將帥最著者平章邵榮右丞達與
遇春爲三而榮尤宿將善戰至是驕蹇有異志與參政趙繼
祖謀伏兵爲變事發覺太祖欲宥榮死遇春直前曰人臣以
反名若何宥之臣謹不與其往太祖乃飲榮酒流涕而戮之
益饗重遇春從援安豐比至城且陷呂珍軍甚盛左右軍皆
散遇春橫擊其陳四戰三捷大破之俘獲士馬無算遂從達

廬州城將下而陳友諒圍洪都召還會師伐漢遇於彭蠡
之康郎山漢軍乘上流鋒銳甚遇春偕諸將大戰呼聲動天
地無不一當百友諒驍將張定邊直犯太祖舟舟膠於淺幾
殆遇春射中定邊定邊却太祖舟得脫而遇春舟復膠於淺
有散舟順流下觸遇春舟舟乃脫轉戰三日縱火焚漢舟湖
水皆赤友諒乃不敢戰諸將以漢軍尙強欲縱之去遇春獨
無言比出湖口諸將欲放舟東下太祖命扼上流遇春乃溯
江而上諸將從之夜諒窮蹙以百艘突圍遇春復縱火舟火
焚漢軍大潰友諒遂被亡師還第功最著余帛土田甚厚從
圍武昌太祖還應天留遇春督諸軍困之漢丞相張必先自
岳來援遇春乘其未集急擊破之擒必先城中由是氣奪陳

理遂降盡取荆湘地進中書平章政事明年從左相國達取
廬州別將兵畧定臨江之沙坑麻嶺十洞牛披諸寨遂下
安圖贛州熊天瑞固守不下太祖使使諭遇春克城無多殺
苟得地無民何益於是遇春浚壕立柵以困之頓兵六月天
瑞力盡乃降遇春果不殺太祖大喜賜書褒勉之遇春遂因
兵威諭降南雄韶州還定安陸襄陽復從徐達取淮東克秦
州敗其援兵督水軍壁海安壩以遏吳人其秋拜副將軍戡
吳敗吳軍於太湖於毗山於五里橋遂薄湖州張瑄繕境
內兵來援屯於舊館壓我師將退春將兵出大壘港更進
其背士信出精卒搏戰奮擊破之又破吳軍於東阡追襲餘
右丞於平望盡燬其赤龍船政爲鎮筵北至昇山破其水陸

齊悉伴舊館兵湖州濠州通國平江軍虎丘士誠潛師趨遇
春遇春與戰北濠大捷獲虜士誠久之諸將破斬門遇春亦
破閭門以入吳李召見進帝書平章軍國重事封鄂國公復
拜征虜副將軍與大將軍樂步騎二十五萬以北帝親諭回
備首萬衆雜鋒習武漢如副將軍不慮不能職慮輕戰耳身
爲大將顧好與小校角甚非所望也遇春拜謝既行以遇春
兼太子少保從帝出東諸郡取汴梁進攻河南元兵五萬陳
將米北遇春單騎突其陳敵軍餘騎贖梁剌遇春遇春大
笑覆其前鋒大將馳入麾下壯士發之敵矢潰河南軍遠遁
帝於汴梁遂與大將軍下河北諸郡先驅取德州將并師進
而進破元兵於通州遂入元都剌下保定河間直定與大

軍次太原擴廓帖木兒來援遇春言於大將軍達回我騎兵
並集步卒未至驟與戰必多殺傷夜劫之可得志達曰善會
擴廓部將豁鼻馬來約降且請爲內應乃選精騎夜銜枚往
襲擴廓方燃燭治軍書會卒不知所出跣一足乘驢馬以十
八騎走大同豁鼻馬降得甲士四萬遂克太原詔改遇春左
副將軍居右副將軍馮勝上北出取大同轉徇河東下奉元
路遂與勝軍合西拔鳳翔會元將也速寇通州詔遇春還討
以平章李文忠副之率步騎九萬發北平徑惠州敗敵將汪
文清於錦州敗也速於全寧進攻大興州分千騎爲八伏守
將夜遁盡擒之遂掘開平元帝北走追奔數百里獲其宗王
慶生及平章鼎佐等凡得將士萬人車萬輛馬臣折佐朱五

萬頭子女寶貨稱是。詔遷於柳河川。暴疾卒。年僅四十一。太祖聞之大震悼喪。至龍江親出奠命。禮官議天子爲大臣發喪。禮議上用宋太祖喪。韓玉趙普故事。制曰可。賜葬鍾山原。給明器九十事。納諸墓中。贈朔運推誠宣德靖遠功臣。開府儀同三司。上柱國。太保。中書右丞相。追封開平王。諡忠武。配享太廟。肖像功臣祠位。皆第二。遇春沉鷲果敢善撫士卒。出則權鐔入則殿後。未嘗敗北。雖不習書史。用兵決勝輒與古合。長於大將軍。達二歲數。從征伐必聽約束。惟謹。一時名將稱徐常遇春。常自言能將十萬衆。橫行天下。軍中又稱常米萬。云遇春從弟榮積功爲指揮。同知從曹公文忠出塞戰死。虜版河遇春子茂昇茂以遇春功封鄭國公。子世家驕橫不習。

事太祖知之故不便將兵洪武二十年始命從大將軍馮勝北征納哈出勝茂婦翁也茂以不得任偏裨將意邑邑不樂多不奉勝約束勝數詣責之茂應之慢勝益怒茂未有以發也會納哈出請降詣右副將軍藍玉營酒次與玉相失納哈出取酒澆地願其下咄咄語茂方在坐麾下趙指揮者解蒙古語密告茂納哈出將遁矣茂因出不意直前搏之納哈出大驚起欲就馬茂拔刀砍其臂傷納哈出所部聞之有驚潰者勝故怒茂增餼其狀奏茂激變遂械繫至京師茂亦言勝諸不法事帝收勝總兵印而擢置茂龍州龍州土司也故守趙貼堅死從子宗濬當襲貼堅妻黃以愛女帝茂爲小妻擅州事其後茂死戍所而黃與宗濬爭州印相告帝以遠人

置不問或構蜚語曰茂隱他所實不死宗壽知狀帝怒命楊文韓觀出師討龍州已而知茂果死宗壽亦輸款乃罷其茂無子昇以兄茂得罪改封國公數出練軍加太子太保涼國公藍玉以叛誅昇藍氏出也或告其聚兵三山謀不軌坐死安置其子繼祖於雲南之臨安衛永樂初召至京賜金幣遣還繼祖子寧寧子復弘治五年詔曰太廟配享諸功臣其贈王者皆佐皇祖平定天下有大功而子孫或不沾寸祿淪於氓隸朕不忍所司可求其世嫡量授一官奉先祀乃自雲南召復授南京錦衣衛世指揮使嘉靖十一年紹封四王後封復孫元振爲懷遠侯傳至曾孫延齡有賢行福王時諸徹侯莫不恣睢獨延齡以守職見稱國亡後身爲漢國蕭然布

衣終老

明史彙

列傳第十一終

明史藁

列傳第十二

光祿大夫

經筵講官明史總裁戶部尚書如七級

世王瀾

敕編撰

李文忠

鄧愈

湯和

沐英

李文忠字思本小字保兒盱眙人太祖姊子也年十二而母死父貞攜之轉側亂軍中瀕死者數矣久乃謁太祖於滁陽太祖見保兒喜甚撫以爲子賜姓朱氏令讀書穎敏如素習年十九以舍人將親軍從援徐州破天完軍驍勇爲諸軍冠別攻青陽石埭太平旌德皆下之敗元院判阿魯友於萬年衝復敗苗軍於於潛昌化進攻淳安夜襲洪元帥降其衆下

餘授帳前左副都指揮兼領元帥府事尋會鄧愈胡大海之師取建德以爲嚴州府守之苗帥楊完者以苗獠數萬水陸奄至文忠將輕兵破其隘軍取所馘首浮巨筏上水軍見之亦遁完者復入寇與鄧愈擊却之進克浦江禁焚掠示恩信義門鄭氏避兵山谷招之還以兵護之民大悅完者死其部將乞降撫之得三萬餘人與胡大海拔諸暨張士誠寇嚴州禦之東門使別將出小北門間道襲其後夾擊大破之踰月復來攻破之大浪灘乘勝克分水士誠遣將據三溪復擊敗之斬陸元帥焚其壘士誠自是不敢窺嚴進同僉行樞密院事城嚴以守胡大海得漢將李明道王漢二送文忠所釋而禮之使招建昌守將王溥溥降苗將蔣英劉震殺大海以金

華叛文忠遣將馳至蘭溪英等遁走遂親至金華撫定其眾處州苗軍亦叛殺耿再成遣將屯縉雲以圖之拜浙東行省左丞總制嚴衢信處諸全軍事而吳兵十萬方急攻諸全守將謝再興告急遣同僉胡德濟往援再興復請益兵文忠兵少無以應乃揚言徐右丞邵平章將大軍刻日進謀者告吳軍吳軍懼德濟與再興率死士夜半開門突擊大破之諸全遂完明年再興亦叛降於吳以吳軍犯東陽文忠與胡深迎擊遇於義烏將千騎橫突其陳大敗之已用深策去諸全五十里別築一城以相犄角吳人患之遣司徒李伯昇以十六萬眾來攻不克踰年復以二十萬眾攻新城德濟告急文忠請父貞權總軍務守嚴而自率朱亮祖等馳救去新城十里

而軍德濟使人告賊勢盛宜少避其鋒俟大軍文忠曰兵在
謀不在衆乃下令曰彼衆而驕我少而銳以銳遇驕必克彼
軍輜重山積此天以宮汝曹也勉之會有白氣自東北來覆
我軍占之曰必勝詣朝會戰天大霧晦冥文忠集詣將仰天
誓曰國家之事在此一舉文忠不敢愛死以後三軍使元帥
徐大興湯克明等將左軍嚴德王德等將右軍而自以中軍
當敵衝會處州援兵亦至奮前搏擊霧稍開文忠橫槊引鐵
騎數十乘高馳下衝其中堅敵以精騎圍文忠數重矛屢及
滕文忠手所格殺甚衆縱橫馳突所向皆靡大軍乘之城中
守兵亦鼓譟出敵遂大潰逐北數十里斬首數萬級溪水盡
赤獲將校六百甲士三千鎧仗芻粟收數日不盡伯昇再興

僅以身免捷聞太祖大喜召歸宴勞彌日賜御衣名馬遣還
鎮明年秋大軍伐吳令攻杭州以牽制之貞復權掌軍務守
嚴文忠克桐廬新城富陽悉以俘卒送嚴嚴城空虛俘卒欲
叛去貞饗其衆醉悉縛送應天文忠遂攻餘杭守將謝五再
與弟也論之降許以不死五遂與再與子五人出降諸將請
僇之文忠不可遂趨杭州守將潘元明亦乞降整軍入元明
以女樂迎麾去之止壁麗譙下令曰擅入民居者死一卒借
民釜立斬以徇城中帖然得兵三萬糧二十萬就加榮祿大
夫浙江行省平章政事復姓李氏初太祖定應天以軍興不
給增民田租文忠請於朝得減額大軍征閩文忠別引一軍
屯浦城以徧之洪武元年以文忠父貞爲駙馬都尉封恩親

侯贈其母爲孝親公主大軍還自閩餘寇金子隆等聚剽文忠復討禽之遂定建延汀三州命軍中收養道上棄兒所全活無算二年春以偏將軍同常遇春出塞薄上都走元帝語其遇春傳遇春卒代將其軍奉詔西會大將軍軍攻慶陽行次太原聞慶陽已下而大同圍急文忠曰兵可無西也援大同使軍吏曰專命可乎文忠曰關外之事苟利於國專之可也遂出雁門次馬邑敗其游軍禽平章劉帖木進至白楊門禽四大王雨雪軍已駐營文忠令移前五里阻水自固元兵乘夜來劫文忠堅壁不動質明敵大至以二營委之殊死戰度敵疲乃出精兵左右擊大破之禽其驍將脫列伯孛斬萬餘人窮追至莽哥倉而還明年拜征虜左副將軍與大將

軍分道北討以十萬人出野狐嶺至興和降其守將進兵察罕腦兒禽平章祝真次駱駝山擊走平章沙不丁次開平降平章上都罕等時元帝已崩太子愛猷識里達臘新立所部多攜文忠謀知之兼程趨應昌太子北走獲其嫡子買的里八剌暨后妃宮人諸王將相官屬數百人獲宋元玉璽金寶十五玉冊二鎮圭大圭玉帶玉斧各一出精騎窮追至北慶州而還道興州禽國公江文清等降三萬七千人至紅羅山又降楊思祖之衆萬六千餘人獻捷京師帝爲御奉天門受朝賀大封功臣授開國輔運推誠宣力武臣特進榮祿大夫右柱國大都督府左都督封曹國公同知軍國事食祿三千石子世券追封孝親公主爲曹國長公主貞加封如其子爵

賜甲第城西帝時幸貞第太子諸王時往起居親重無與比
四年秋已平蜀地令文忠往拊循之築成都新城發軍戍諸
郡要害乃還明年復以左副將軍由東道北討出居庸趨和
林至口温元人遁進至臚胸河令部將韓政等守輜重而自
率六軍人齎二十日糧疾馳至土刺河元太師蠻子哈刺章
悉衆渡河列騎以待文忠引軍薄之敵稍却至阿魯渾河敵
來益衆文忠馬中流矢下馬持短兵鬪指揮李榮以所乘馬
授文忠而自奪敵馬乘之文忠得馬益殊死戰遂破敵鹵獲
萬計追奔至稱海敵兵復大集文忠乃斂兵據險椎牛饗士
縱所獲馬畜於野敵疑有伏稍稍引去文忠亦引還失故道
至桑哥兒麻乏水渴甚禱於天忽所乘馬蹋地泉湧出三軍

皆給乃刑牲以祭遂還是役也兩軍勝負相當而宣寧侯曹
良臣指揮使周顯常榮張耀俱戰死以故賞不行六年行北
平山西邊留屯代縣七年遣部將分道出塞一軍出三不刺
川伴平章陳安禮一軍出順寧楊門斬真珠驢一軍出白登
禽太尉不花其秋率師攻大寧瀋州克之斬宗王朶朶失里
禽承旨百家奴追奔至檀帽山擊斬魯王獲其妃及司徒答
海等進師豐州禽元故官十二人馬駝牛羊甚衆窮追至百
千兒乃還十二年洮州十八番族叛與西平侯合兵討平之
築城東籠山南川置洮州衛城之還言西安城中水鹹鹵不
可飲請鑿地引龍首渠入城擬便汲從之命提督大都督府
參贊軍國事兼領國子監事文忠器量沉宏人莫測其際臨

陳蹕厲風發遇大敵益壯頗好學問嘗師事金華范祖幹胡
翰通曉經義爲詩歌雄駿可觀功名旣大顯矣及繹兵家居
恂恂若儒者家故多客嘗以客言勸帝少誅僂又諫帝征日
本及言宦者過盛非天子不近荆人之義以是積忤旨頗不
免譴讓十六年冬遂得疾帝親臨視使淮安侯華中護醫藥
明年春卒年四十六帝疑中葬之貶中爵放其家屬於建昌
衛而悉誅醫及其妻子親爲文致祭追封岐陽王諡武靖配
享太廟肖像功臣祠位皆第三父貞前卒贈隴西王諡恭獻
文忠三子景隆增枝芳英皆帝賜名增枝初授勳衛擢前軍
左都督芳英官至中都正留守

景隆小字九江讀書通典故與方孝孺友善長身秀眉明目

顧盼偉然每朝會進止雍容甚都太祖數日屬之既襲

出練軍湖廣陝西河南市馬西番進掌左軍都督府事加太子太傅建文帝卽位景隆以肺腑見親任嘗被命逮訊周王橚及燕兵起長興侯耿炳文武定侯郭英禦之皆收濟泰黃子澄等共薦景隆乃拜爲征虜大將軍將兵五十萬北伐賜通天犀帶帝親爲推輪餞之江滸令一切便宜行事景隆貴公子握兵柄自尊大每陞帳輒踞高坐令諸將匍匐入謁諸宿將皆丈人行景隆一無所加禮悉怏怏不肯爲用景隆馳至德州受代卽會兵進營河間燕王聞之語諸將曰李九江統紉少年耳一旦以五十萬衆付之是自坑其衆也吾當引其衆使頓於堅城之下破之必矣諸將以北平兵少爲虞燕

燕王攻大同以致景隆令疲於奔命景隆果引軍出紫荆關往救而燕王已由居庸入還北平景隆士卒凍餓委棄甲仗相屬於道又聞大同城已破無及乃遣書燕王請息兵而還軍德州中朝恐景隆權尚輕遣中官齎書賜黃鉞弓矢專征伐方渡江風雨舟壞所賜物盡失之乃更製以賜四月景隆大誓師於德州會武定侯郭英安陸侯吳傑等於真定合軍六十萬號百萬進營白溝河列陣數十里燕王率諸將駐固安而命張玉先屯礮家橋越日合戰燕軍屢敗燕王夜逃失道視河流辨東西達行營翌日再戰幾獲燕王比日中忽大風起折景隆旗纛陣動燕王以勁騎繞其後景隆軍大亂奔聲如雷郭英潰而西景隆潰而南死者二十餘萬器械輜

重璽書斧鉞皆委棄爲燕所獲景隆走德州燕軍圍之拔其衆十餘萬人南奔復爲燕軍所躡死者數萬退保濟南斯役也王師大挫燕勢益張帝始召景隆還黃子澄慚憤執景隆於朝班請誅之以謝天下帝不問燕師渡江帝幼皇甚方孝孺復請誅景隆而羣臣鄒公瑾等十八人卽殿前毆景隆幾死帝慰解之乃使景隆及尚書茹瑺都督王佐如燕割地請和景隆遂蒲伏輸欵燕兵屯金川門遂與谷王穗開門迎燕燕王卽帝位授景隆奉天輔運推誠宣力武臣特進光祿大夫左柱國增歲祿千石朝廷有大事景隆猶以班首主議諸功臣咸不平永樂二年周王發其前至邸卽訊受賂事而刑部尚書鄭賜等亦劾景隆包藏禍心蓄養亡命謀爲不軌詔

勿問已成國公朱能吏部尚書蹇義與文武百官廷劾景隆及弟增枝逆謀有狀六科都給事中張信等復劾之詔削勳號絕朝請以曹公歸第奉曹國長公主之祀亡何禮部尚書李至剛等復言訶事者至景隆家猶坐受闈人伏謁如君臣禮大不道增枝多立莊田蓄僮僕無慮千百意叵測於是奪曹公爵并增枝及其妻子數十口同錮私第盡沒其財產嘗絕景隆食旬日不死至永樂末乃卒正統十三年始下詔令增枝等啓門第得自便弘治初錄岐陽後以景隆曾孫璿爲南京錦衣衛世指揮使卒子濂嗣卒子性嗣嘉靖十一年詔封性爲臨淮侯祿千石踰年卒無子復以濂弟沂紹封卒子庭竹嗣屢典軍府提督操江佩平蠻將軍印鎮湖廣卒子言

恭嗣守備南京入督京營累加少保言恭字惟寅好學能詩折節寒素兩京游士爭歸之子宗城少以文學知名公卿間萬曆中倭犯朝鮮發兵救之不利兵部尚書石星聽沈惟敬言主封貢薦宗城才授都督僉事以正使持節往封都督楊方亨副之惟敬先驅渡海宗城等遷延朝鮮境上倭陽言如約受封比至釜山倭來益衆道路籍籍言且劫二使宗城恐日夜涕泣惟敬又爲流言脅之遂變服逃歸而方亨渡海大爲倭所辱竟不成封宗城下獄論戍以其子邦鎮嗣侯至明亡爵絕

鄧愈虹人初名友德太祖爲賜名父順興據臨濠與元兵相拒戰死兄友隆代之復病卒衆推愈領軍事愈年甫十六每

出戰必先登陷陣軍中咸服其勇太祖起滁陽愈自盱眙來
歸授管軍總管從渡江克太平破俞陳堃先下集慶畧定溧
水取鎮江皆有功進廣興翼元帥出守廣德州破長鎗帥謝
國璽於城下俘其總管武世榮獲甲士千移鎮宜州以其兵
取休寧績溪與胡大海攻克徽州遷行樞密院判官守之苗
帥楊完者以十萬衆來攻守禦單弱愈激厲將士與大海合
擊破走之進攻婺源守將鐵木兒不花戰敗拔其城獲卒三
千徇下高河壘與李文忠胡大海攻建德道遂安破長鎗帥
余子貞逐北至淳安又破其援兵遂克建德楊完者來攻破
禽其將李副樞降溪洞兵三萬於月復破完者於烏龍嶺再
遷愈行樞密院事畧臨安李伯昇來援敗之謝林寨遣使說

降饒州守將于光遠移守饒陳友諒來攻輒擊却之進江南
行省參政總制各翼遂引軍取浮梁徇樂平餘于建昌皆下
進圍隆興撫州守將鄧克明爲吳宏所攻遣使僞降以緩師
愈知其情卷甲夜馳二百里比明入其城克明出不意單騎
走愈號令嚴秋毫不犯遂定撫州克明不得已請四路之地
以降胡廷瑞亦獻隆興太祖自往撫定改名洪都以愈爲江
西行省參政守之而命降將祝宗康秦以所部從二人初不
欲降及奉命從徐達攻武昌遂反舟次女兒港還趨城夜破
新城門而入愈倉卒聞變以數十騎出走數與賊遇從騎死
且盡愈窘甚連跨三馬馬輒踣最後得養子馬乘之乃得脫
奔撫州門以出奔還應天太祖弗之罪既而徐達遣師復洪

都乃復命愈佐大都督朱文正再往鎮之其明年友諒衆六十萬入寇治樓船高與城等乘漲直抵城下圍數百重愈分守撫州門最當要衝友諒親督衆以攻城壞且三十餘丈愈且築且戰漢兵攻益急晝夜不解甲者三月太祖自將來授圍始解論功與克敵等太祖已平武昌使愈率兵徇江西未附州縣鄧克明之弟志清據永豐有卒二萬愈擊破之禽其大帥五十餘人與常遇春悉平沙坑麻嶺諸寨進兵取吉安圍贛州五月乃克之南安南雄韶州諸路悉下進江西右丞時年二十八兵興諸將早貴未有如愈與李文忠者愈爲人簡重慎密不憚危苦持軍嚴善撫降附其徇安福也部卒有鹵掠者判官潘樞入謁面責之愈立驚謝趣下令掠民者斬

索軍中所得子女盡出之樞因閉宣空舍中自坐舍外作糜食之卒有謀夜劫取者愈鞭之以徇樞悉護遣還其家民大悅已而遇春克襄陽乃以愈爲湖廣行省平章往鎮其地賜以書曰爾戍襄陽宜謹守法度山寨來歸者兵民悉仍故籍小校以下悉令屯種且耕且戰爾所戍地鄰擴廓若爾愛加於民法行於軍則彼所部皆將慕義來歸如脫虎口就慈母我賴爾如長城爾其勉之愈於是披荆棘立軍府營屯練卒拊循招徠威惠甚著吳元年建御史臺召愈爲右御史大夫領臺事洪武元年兼太子諭德大將軍經畧中原愈爲征戍將軍率襄漢兵取南陽以北未附州郡遂克唐州走守將劉平章進攻南陽敗元兵於瓦店逐北抵城下遂克之禽史國

公等二十六人隨葉舞陽魯山諸州縣相繼降攻牛心光石
腦洪山蜀河諸山寨皆平之均房金商之地悉定三年以征
虜左副副將軍從大將軍出定西大破曠廓於沈兒峪分兵
自臨洮進克河州招諭吐蕃諸酋長宣慰何鎖南等皆納印
請降追豫王至西黃河抵黑松林破斬其大將河州以西朶
甘烏思藏諸部悉來歸附出甘肅西北數千里而還論功授
開國輔運推誠宣力武臣特進榮祿大夫右柱國封衛國公
同參軍國事歲祿三千石予世券五年辰澗諸蠻作亂愈以
征南將軍率師討平之凡克四十八洞又捕斬房州反者以
左副將軍從徐達巡西北邊十年吐蕃川藏爲梗剽貢使愈
以征虜將軍率副將軍沐英討之分兵爲三道深入覆其巢

窮追至崑崙山俘斬萬計獲馬牛羊十餘萬留兵戍礪北諸要害乃還道病至壽春卒年四十一追封寧河王諡武順長子鎮嗣改封申國公以征南副將軍平永新龍泉山寇再出塞有功其妻李善長外孫也善長敗坐奸黨誅弟銘錦衣衛指揮僉事征蠻卒於軍有子源爲鎮後弘治中授源孫炳爲南京錦衣衛世指揮使嘉靖十一年紹封炳子繼坤定遠侯五傳至文明崇禎末死流賊之難

湯和字鼎臣濠人幼有奇志嬉戲常習騎射部勒羣兒及長身長七尺儻多計畧滁陽王初起和率壯士十餘人歸之以千戶從太祖攻大洪山克滁州授管軍總管遂從取和州時諸將多太祖等夷莫肯爲下和長太祖三歲獨奉約束甚

謹太祖甚悅之從定太平獲馬三百從擊陳桀先水軍流矢
中左股拔矢復鬪卒與諸將破擒桀先別下溧水句容從平
集慶從徐達取鎮江進統兵元帥徇奔牛呂城降陳保二取
金壇常州既下以和爲樞密院同僉守之常與吳接境張士
誠間諜百出和防禦嚴密敵莫能窺再寇再擊却之俘斬千
計進攻無錫大破吳軍於錫山走莫天祐鹵其妻子進中書
左丞以舟師徇黃楊山敗吳水軍獲千戶四十九人拜平章
政事援長興與張士信戰城下城中兵出夾擊大敗之俘卒
八千解圍而還討平江西諸山寨永新守將周安叛進擊敗
之連破其十七寨圍城三月克之執安以獻還守常州從大
軍伐士誠克太湖水寨下吳江州圍平江鬪於闔門飛礮傷

左臂召還應天創愈復往攻克之論功賜金帛初建御史臺以和爲左御史大夫兼太子諭德尋拜征南將軍與副將軍吳禎率常州江陰諸軍討方國珍渡曹娥江餘姚上虞皆下進攻慶元慶元亦下國珍走入海追擊敗之獲其大帥二人海舟二十五艘斬馘無算還定諸屬城而使使招國珍國珍所部皆降國珍不得已亦詣軍門降得水陸卒二萬四千海舟四百餘艘浙東悉定遂與副將軍廖永忠伐陳友定自明州由海道乘風徑抵福州之五虎門駐師南臺使人諭降不應遂圍之敗其平章曲出兵於城下參政袁仁請降遂乘城入分兵徇興化漳泉及福寧諸州縣未下者進攻延平圍十日而城下擒友定獻俘京師時洪武元年二月也大軍方北

伐命造舟明州運糧輸直沽海多颶風輸鎮江而還拜偏將
軍從大將軍西征與右副將軍馮勝自懷慶踰大行取澤潞
晉絳諸州郡從大將軍拔河中明年渡河入潼關分兵趨涇
州使部將招降張良臣旣而復叛會大軍圍慶陽執斬之越
六盤山逐餘寇還京師論功賞金幣當大將軍之半又明年
復以右副將軍從大將軍討擴廓敗之於定西遂定寧夏
逐北至察罕腦兒擒其猛將虎陳獲馬牛羊十餘萬徇東勝
大同宣府皆有功還授開國輔運推誠宣力武臣榮祿大夫
柱國封中山侯歲祿千五百石子世恭四年拜征西將軍與
副將軍廖永忠率舟師溯江伐夏夏人以兵扼險攻不克江
水暴漲駐師大溪口久不進而傅將軍已自秦隴深入取漢

中永忠先驅破瞿塘關夔州和乃引軍繼之遂入重慶降
明昇師還傅廖二將軍賞而和不及明年從大將軍北
伐遇敵於斷頭山戰敗立守指揮尋與李善長營宮闕於中
都鎮北平彭德燮其城征察罕腦兒大獲伯顏帖木兒爲邊
患以征西將軍駐防延安伯顏乞和迺還十一年春進封信
國公歲祿三千石俾議軍國事數出中都臨清北平練軍伍
完城郭十四年以左副將軍北伐覆敵灰山營獲其平章別
里哥樞密使人通而還十八年思州蠻叛和以征虜將軍從
楚王討平之俘獲四萬悉禽其酋以歸和沉敏多智數頗有
酒過先守常州時嘗請事太祖不得醉出怨言曰吾鎮此城
如據屋脊坐左顧則左右顧則右太祖聞而銜之論封功臣

以和征閩時放遣陳友定餘孽八郡復擾師還爲秀蘭山賊所襲失二指揮故不封公伐蜀還面效其逗撓罪頓首謝乃已其封信公也猶數其常州時過夫鑄之券於時帝春秋寢高天下無事魏公傳公皆已前卒意不欲諸將久典兵未有以發也

和以問從容爲帝言臣犬馬齒長不堪復任驅策願得歸故鄉爲容棺之墟以待骸骨帝乃大悅立賜鈔治第中都并爲諸公侯治第旣而倭寇上海帝患之顧謂和曰卿雖老強爲朕一行和請與方鳴謙俱鳴謙國珍從子也習海事嘗訪以禦倭策鳴謙曰倭海上來則海上禦之耳能量地遠近置衛所陸聚兵水具戰艦錯置其間倭無所得入入亦無所得若縱之登岸則難制矣帝曰善安所得處事對曰兵

興以來民甚畏卒而慕爲之若四民籍一以爲兵固無所苦也帝以爲然遣和董其事和乃度地於浙西東並海設衛所城五十有九選丁壯三萬五千人築之盡發州縣錢及籍罪人費紿役役夫往往過望而民家牆除確礧之石率發以佐築浙人頗苦之或謂和曰民譴矣奈何和曰歲遠算者不近量任大事者不細謹國無備及於戈鋌井里將墟安所得確礧乎復有譴者齒吾劍踰年而城成稽軍功定考格立賞令浙東民四丁以上者戶取一丁戍之凡得五萬八千七百餘人明年閩中並海城工亦竣還報命而和私新第亦成和率妻子陞辭賜黃金三百兩白金二千兩鈔三千錠衫幣四十有副夫人胡氏賜帑稱是並降璽書褒諭諸功臣莫不爲自

是和歲一朝京師二十三年朝元旦感寒失音帝即日臨視
惋歎久之遣使里疾小聞復命其子鼎迎至都僕以安車入
內殿宴勞備至賜金帛御膳法酒相屬其夏好黨事覺公侯
坐死者二十餘人又三年窮治逆黨諸功臣先後罷法稀得
免者而和臥疾自如二十七年和疾瘳篤不能興帝思見之
詔以安車入覲手拊摩之與叙里閭故舊及其興艱難事甚
悉和不能對稽首而已帝爲流涕厚賜金帛爲葬費明年卒
年七十追封東甌王謚襄武和晚年益爲恭慎入關國論一
語不敢外泄媵妾百餘病後悉資遺之所得賞賜多分遺鄉
里故舊及貧無告者而所築滄海城戍皆堅緻久而不圯正
化嘉靖間倭屢入寇浙人賴以自保多歌想之巡按御史請

於朝立廟以祀和五子長子鼎爲前軍都督僉事從征雲南
道卒少子醴積功至左軍都督同知征五關卒於軍鼎子晟
晟子文瑜皆早世不得嗣英宗時文瑜子傑乞嗣爵竟以歷
四十餘年未襲罷之傑無子以弟倫之子紹宗爲後孝宗錄
功臣後授紹宗南京錦衣衛世指揮使嘉靖十一年封靈璧
侯食祿千石傳子至孫世隆隆慶中協守南京兼領後府改
提督漕運歷四十餘年以勞加太子太保進少保卒諡僖敏
傳爵至明亡乃絕

沐英字文英定遠人八歲而孤從母避兵母又死太祖與孝
慈皇后憐之撫爲己子姓朱氏年十八校帳前都尉守鎮江
稍遷指揮使守廣信從大軍征福建破分水關畧崇安別破

崗溪十八寨縛馬谷保始命復姓移鎮建寧節制邵武延平
汀州三衛尋遷大都督府僉事進同知府中機務繁積英年
少明敏剖決無滯后數稱其才帝亦器英久之命乘傳抵解
河練諸部兵事有不便更置以聞洪武十年充征西副將軍
從將軍鄧愈出塞口峇川藏耀兵崑崙功多封開國輔運推
誠宣力武臣榮祿大夫柱國西平侯食祿二千五百石子世
券明年拜征西將軍討西番敗之土門峽徑洮州獲其長阿
昌失納築城東籠山擊擒三副使虜驍子等平梁甘納兒七
站拓地數千里俘男女二萬雜畜二十餘萬乃班師沅國公
脫火赤等屯和林數寇邊十三年命英總陝西兵出塞畧亦
集乃渡黃河登賀蘭山涉流沙七日至其境分四翼掩擊之

而自以驍騎衝其中堅夜擊破之擒脫火赤及仰體愛足等
覆其全部以歸其明年又從大將軍北伐異道圍古北口克
灰山四部度臚胸河執知院李宣盡俘其衆尋拜征南右副
將軍同永昌侯藍玉從將軍傅友德取雲南梁王遣平章達
里麻以兵十萬距於曲靖英乘霧趨白石江霧霽兩軍相望
達里麻大驚友德欲渡江英曰我兵罷懼爲所扼乃率諸軍
嚴陳若將渡者而奇兵從下流濟出其陳後張疑幟山谷間
八吹一銅角元兵驚擾英急麾軍渡江以善泗者先之長刀
斫其軍軍却師畢濟廩良久復縱鐵騎遂大敗之生擒達里
麻僵尸十餘里長驅入雲南梁王起死右丞觀音保以城降
屬郡皆下獨大理倚點蒼山洱海扼龍首龍尾二關斷故南

勁弩爲三行蠻賊百象被甲荷欄楯左右挾大竹爲筒筒置
標鎗銳甚英弁軍三都督馮誠前帝正左都指揮同知湯照
右砲礮並強家皆反走乘勝焚其砦昔剌亦者寇梟將也殊
死關立守小却英登高墜之取佩刀命左右斬帥首左帥見
一人推下恐奮呼突陳大軍乘之斬馘四萬餘人生獲
三十七象象盡殪渠帥刀思郎斯郎理等各被百餘矢伏
象背以死象發遁去諸蠻震懼藩川始不復梗已會穎國
公討平東川蠻又平越州曾阿資及廣西阿赤部二十二年
冬入朝賜宴奉天殿資黃金二百兩白金五千兩鈔五百錠
緣幣百襲遣還陛辭帝親拊之曰使我高枕無南顧憂者汝
英也還鎮再敗百夷於景東思倫發乞降貢方物阿資又叛

學之補衝盡俘其衆亦降南中悉定使使以兵威諭降諸蕃
蕃部有重譯入貢者矣英後先鎮雲南十年年四十八卒軍
民巷哭遠夷皆爲流涕歸葬金陵追封黔寧王諡昭靖侑享
太廟英沉毅寡言笑好賢禮士撫卒伍有恩未嘗濫殺在滇
百務具舉簡守令課農桑歲較屯田增損以爲賞罰墾田至
百萬餘畝涉池監浚而廣之無復水患通鹽井之利以來商
旅辨方物以定貢稅視民數以均力役疎節濶目民以便安
居常讀書不釋卷暇則延諸儒生講說經史太祖初起時數
善他姓爲子攻下郡邑輒遣之出守多至二十餘人惟英在
西南數最大徐司馬何文輝雖名將遠不逮也子春晟昂皆
徽雲南新尉馬都尉尚斌祖法常寧公主春字景春材武有

父鳳年十七從英征西番又從征雲南從平江西寇皆先登積功授後軍都督府僉事羣臣請試職帝曰見我家入勿試也遂予實授嘗命錄烈山囚又命鞠叛黨於蔚州所開釋各數百人英卒命嗣爵鎮雲南洪武二十六年維摩十一寨亂遣瞿能等討平之明年平越獠蠻立澗滄衛其冬阿資復叛與何福討之春曰北賊積年逋誅者以與諸土酋姻婭展轉亡匿今悉發諸酋從軍糜繫之而多設營堡制其出入授首必矣遂趨越州分道逼其城伏精兵道左以羸卒誘賊縱擊大敗之阿資亡山谷中春陰結附近土官訶知所在樹壘斷其糧道賦困甚已出不意擣其巢遂擒阿資并誅其黨沙陀普也等二百四十八人越州遂平廣府酋蠻貞佑糾羣蠻拒官

軍破擒之俘斬千計寧遠曾刃拜爛依交趾不順命遣何福
討降之三十年麓川宜慰使思倫發爲其屬刀幹孟所逐來
奔春挾與俱朝受上方畧遂拜春爲征虜前將軍率何福徐
凱討之先以兵送思倫發於金齒發幹孟來迎不應乃還卒
五千令福與疊能將諭高良六山直擣南甸大破之斬其酋
勿名孟寫軍擊景罕寨賊乘高堅守官軍糧且盡應告急春
率五百騎救之夜渡怒江且抵寨下令騎騁揚塵蔽天賊大
驚潰乘勝擊崆峒寨亦潰前後降者七萬人將士欲屠之春
不可幹孟乞降帝不許命春總海黔蜀兵艾之未發而春卒
年三十六謚惠襄春在鎮七年大修屯政闢田三十餘萬詔
鑿鏡池河灌宜良潤田數萬民復業者五千餘戶爲立祠

祀之無子弟晟嗣晟字景茂少慧重寡言笑喜讀書太祖愛之授後軍都督僉事進右都督建文元年嗣侯比就鎮而禍已破僉刀幹孟歸思倫發亡何思倫發死諸蠻分據其地晟討平之以其地爲三府二州五長官司又於路江西置騰衝千戶所戍之麓川遂定初岷王封雲南不法爲建文帝所囚成祖卽位遣歸藩益驕恣晟稍撻之王怒譖晟帝以王故召晟戒之貽書王稱其父功母督過令晟仍還鎮守永樂三年八百大甸寇邊遣貢使晟會卓里木邦討定之明年大發兵討交趾拜晟征夷左副將軍與大將軍張輔異道自雲南入遂由蒙自徑野蒲斬木通道奪猛烈擗華諸關隘昇舟夜出洮水渡富良江與補會師其破多邦城擣其東西二都盤

諸巢擒僞王黎平株語在輔傳論功封黔國公歲祿三千石
予世券交趾簡定復叛命晟佩征夷將軍印討之戰生厥江
敗績輔再出率師合討禽定送京師輔還而晟留捕陳季擴
連戰不能下輔復出率師會晟窮追至占城獲季擴乃班師
晟亦受上賞十七年富州蠻叛晟引兵臨之弗攻使人嘗曉
竟下仁宗立加大傅鑄征南將軍印給之沐氏繼鎮者輒予
印以爲常宣德元年交趾復叛會安遠侯柳升進討升敗死
晟亦退兵羣臣交劾晟帝封其章示之正統三年麓川思任
發反晟抵金齒與弟昂及都督方政會兵政爲前鋒破賊沿
江諸寨大軍逐北至高黎共山下再破之明年復破其舊寨
城中伏死官軍敗績晟引還慚懼發病至楚雄卒贈定遠王

諱忠敬晨席父兄業用兵非所長戰數不利朝廷以其窮還
且世將寬假之而滇人懾晨父子威信莊事如朝廷片楮下
土酋所具威儀出郭迎盟而後啓曰此令言也晨先後置圃
墅田業三百六十處曰我日食其一足矣珍寶充庫藏後房
曳羅綺者數百人役使閹奴亦百十輩而善事中貴賂遺執
政不絕以故得中外聲晨有子斌幼嗣公爵居京師而以昂
代鎮昂字景高初爲府軍左衛指揮僉事成祖將使晨南討
乃擢昂都指揮同知領雲南都司累遷至右都督正統四年
佩將印討麓川抵金齒畏賊盛遷延者久之參將張榮前驅
至芒部敗昂不救引還貶秩二級已思仕發入寇擊却之又
捕斬師宗反者六年兵部尚書王驥定西伯蔣貴將大軍討

思任發昂主僦運賊破還昂都督命督軍捕思任發不能得
襲等復出師索之緬甸破者監而還十年昂卒贈定邊伯諡
武襄斌字文輝昂卒始之鎮會緬甸執思任發送京師其子
思機發來襲斌擊却之思機發復據孟養十三年復大發兵
使驥等討之而斌爲後拒督餉無乏卒贈太傅諡榮康子琮
幼以昂孫琮代鎮璘字廷章景泰初以都督同知佩印出鎮
素儒雅誼人易之旣而號令肅然不可犯天順初卒琮猶幼
璘弟瓚時爲錦衣副千戶特命以都督同知代鎮居七年先
後討平肅祿諸寨及上官之搆兵者降思卜發勒還諸蠻侵
劫多然頗黠貨成化三年春琮始之鎮而以瓚爲副總兵
璘弟金由琮字廷芳通經義能詞章屬夷僞贖無所受尋甸

曾殺兄子求爲守宗捕誅之廣西土官虐所部爲亂琮請更設流官民大便以次討平馬隆麗江劍川順寧羅雄諸叛蠻捕擒橋甸南窩反者卒贈太師諡武僖無子以贊孫崑嗣崑字元中初襲錦衣指揮僉事琮撫爲子朝議以崑西平侯裔孫當嗣侯而守臣爭之謂滇人知黔國公不知西平侯也侯之恐爲所輕孝宗以爲然令嗣公佩印如故弘治十二年平龜山竹箐諸蠻又平普安賊再益歲祿正德二年師宗民阿本作亂與都御史吳文度督兵分三道進一出師宗一出羅雄一出彌勒而別遣一軍伏盤江截賊巢遂大破之七年安南長官司那代爭襲殺上官復與都御史顧源討擒之再加太子太傅崑初喜文學自矜厲其後通賂權近所與請無不

得寢駢凌三司使從角門入諸言官論劾者輒得罪去卒贈
太師諡莊襄紹勛崑子也既嗣封而尋甸土舍安銓叛都御
史傅習討之收績武定土舍鳳朝文亦叛與銓連兵攻雲南
大擾世宗遣尚書伍文定將大軍征之未至而紹勛督所部
先進告土官子弟當襲者先予冠帶破賊立以請眾多奮搏
賊大敗之朝文絕普渡河走追斬之東川銓還尋甸衆猶盛
列砦數十官軍分哨攻悉破之銓走芒部爲所執死後禽賊
黨千餘人俘斬無算時嘉靖七年也據聞加太子太傅益歲
祿而是時老撾大邦孟養緬甸孟密相仇殺師宗納樓思陀
八寨皆亂久不解紹勛使使者徧歷讞蠻誠以武定尋甸事
皆懼伏願還侵地而木邦孟養俱貢方物謝南人悉定紹勛

有勇畧用兵輒勝然頗驕侈發民夫攻石大理山崩役夫多
死又奪民田廣其莊都御史歐陽重連章糾之下詔詰責卒
贈太師諡敏靖子朝輔嗣朝輔素驕貴既嗣封都御史劉渠
引賂朝輔與之因上章言臣家世守茲土上下相承近有司
紛更典制闕臣職守率不與聞接見不循故例臣疎遠孤危
動多掣肘無以彈壓蠻方乞申勅諸臣悉如其舊詔許之朝
輔益驕給事中萬虞愷劾朝輔並論渠詔罷渠而令朝輔治
事如故卒贈太保諡恭僖朝弼朝輔弟也朝輔卒二子融鞏
皆幼詔視琮璘故事令融嗣公給半祿而授朝弼都督僉事
佩印代鎮屠三年融卒鞏當嗣朝弼心害之於是朝弼嫡母
李請護鞏居京師待其長而還鎮報可鞏未至京卒朝弼遂

得嗣嘉靖三十年元江土舍那鑑叛詔朝弼與都御史石簡
討之分五軍薄其城城垂拔以瘴發引還詔罷簡將再出師
鑑懼仰藥死乃已四十四年討擒叛蠻阿方李向陽又明年
平武定叛酋鳳繼祖破賊巢三十餘朝弼素驕事母嫂不如
禮奪瓦田宅匿罪人蔣旭等用調兵火符遣人誦京師乃
朝弼以其子昌祚嗣封給半祿朝弼怏怏益放縱葬母至東
京都御史請留之詔許還渚毋得預鎮事朝弼恚欲殺昌祚
憲按交章言狀並發其殺人通番諸不法事逮繫詔獄論死
援祖功免劄南京竟死昌祚初以都督僉事總兵鎮守久之
嗣公萬曆元年姚安蠻羅思等叛殺郡守昌祚與都御史鄒
應龍發土漢兵討之破向寧靡摩等十餘寨犁其巢盡得思

鎮事卒孫啓元嗣卒子天波嗣天波嗣封十餘年而土司沙
定洲作亂天波奔永昌亂定復歸於滇桂王至滇天波仕職
如故從奔緬甸緬人欲劫之不屈死初沙定洲之亂天波母
陳氏妻焦氏自焚死比天波奔緬妾夏氏不及從自縊死踰
數十日收葬支體不壞人以爲節義所感焉

明倫彙編

列傳第十二終